

春秋屬辭

二



存策書之大體第一之五

甲公朝親始行則書皆稱如既成禮則稱朝在道而還書其復

成十三年三月公如京師

以上成公如京師者一朝天王也周禮大宗伯以質禮親邦國春見曰朝夏見曰宗秋見曰覲冬見曰遇時見曰會殷見曰同大行人侯服歲一見甸服二歲一見男服三歲一見采服四歲一見衛服五歲一見要服六歲一見九諸侯之邦交世相朝而已東遷諸侯不臣小國朝大國大國朝盟主而不復朝天王魯君再書朝王所一書如京師皆以晉故而非特朝也成公將會諸侯假道京師伐秦不可過天子而不朝故始行則書如京師凡內出朝聘但書如始行則書之未成禮之辭也據魯君如晉至河而復者不書臣如京師如齊不至而復者各一始行不果彼國必成其禮也此社

五十八十二月

春秋屬辭卷五

一

氏說得之或謂魯之朝聘非誠非禮故但書如由不知策書之體也春秋存策書之大體以屬辭比事見得失而不以褒貶備辭比下書公自京師遂會諸侯伐秦則非特朝可見通十二公唯成公一如京師則魯君又闕朝覲之禮亦可見不待變文而後為說也如京師特書月明朝王為正與他如不同

僖二十八年五月癸丑公朝于王所上冬壬申公朝于王所

以上僖公朝王所者二晉文踐土溫二會皆以天子在焉而諸侯就朝既成禮而後書故言朝凡朝王例曰壬申其著例也踐土不日者與盟同日也溫會不月故朝王有日而無月也春秋有為下事月者此不為朝王月以見因會而朝非會則不朝也

僖十年春王正月公如齊十五年春王正月公如齊三十二年冬

十月公如齊

以上僖公如齊者三二朝伯主一繼齊好也東遷諸侯大行人般

聘世朝之禮久廢唯以小朝大而已故隱桓莊之世小國之君
往來朝於魯而魯未嘗往朝大國以當時大國皆齊等故也桓公
創霸之初未遑定制故莊公三如齊皆以事行至僖七年公子友
如齊十年公如齊十二年公子友如齊十五年公如齊合傳三歲
而聘五歲而朝之法蓋齊桓伯業既成之後會于葵丘始定其制
以爲諸侯朝伯主之禮與尚書周官六年五服一朝相類不自知
其僭也僖十七年桓公卒故僅再朝而已晉文公伯業甫定而卒
故僖公未嘗朝晉晚年一朝齊昭復脩齊好也凡公外如不月以
四時首月行則書之不書至乃筆削之法說在後篇

文三年冬公如晉 十二年冬公如晉

以上文公如晉者二朝伯主也傳言晉文公季年諸侯朝晉衛威
不朝故文公元年晉襄伐衛二年亦以不朝來討公如晉晉人使
陽處父盟公魯人恥之經沒公如晉不書而處父去族以晉文伯

春秋傳卷五

二

六月二十夕

業之盛踐土之盟溫之會僖公皆在焉又嘗受其曹田嘗使大夫
一聘一拜田而弗身朝之晉文卒乃朝齊文公即位亦聘齊以圖
昏而不通晉好於是見討而朝以取辱則亦比而不周之過也此
在存策書其體中爲變例之四說見變文篇三年晉人悔其無禮
於公請改盟公如晉五年公孫敖如晉六年行父如晉八月襄公
卒其後公一如晉朝靈公十五年行父以齊難故如晉者再而晉
侯受賂不克伐齊公遂舍晉而屈於齊矣此魯君於文襄世伯朝
聘之實也而昭二年傳子大叔曰文襄之霸令諸侯三歲而聘五
歲而朝豈文襄嘗舉齊桓之典而主盟日淺故諸侯有不盡從其
令者乎文十五年曹伯來朝傳曰禮也諸侯五年再相朝以脩王
命古之制也所謂古制既與周禮不合春秋之世小國朝魯魯朝
大國近或一二年遠或十餘年或間世不朝遲速皆無常準左氏
唯見十一年曹伯來朝至此又來適合 八叔五歲之數遂以其

說為傳而不知其制實始於齊桓爾又昭十三年叔向曰明王之制使諸侯歲聘以致業間朝以講禮再朝而會以示威再會而盟以顯昭明杜氏謂三年一朝六年一會十二年一盟凡八聘四朝再會王一巡守盟于方岳之下其朝聘之節大數故先儒以周禮大行人所職為得中蓋成周之禮非唯左氏不能詳當時名大夫如叔向亦不得其旨也

宣四年秋公如齊 五年春公如齊 九年春王正月公如齊 十年春公如齊 夏公如齊

以上宣公如齊者五四朝一奔喪齊惠非盟主比值晉伯中衰宣公篡立以濟西田賂齊為平州之會以定其位故終身謹於事齊不朝聘于晉里壤之會晉人止公以賂免不得與盟既葬故意則比歲朝齊齊歸其所賂田又親奔喪晚歲不悅齊頃乃背齊好晉反覆皆以私也

春秋屬辭卷五

三

五十五

成三年夏公如晉 四年夏公如晉 十年秋七月公如晉 十八年春公如晉

襄三年春公如晉 四年冬公如晉 八年春王正月公如晉 十二年冬公如晉 二十一年春王正月公如晉 二十八年十一月公如晉

以上成公襄公如晉者九朝盟主也襄公如晉者一晉楚之從交相見也成公即位為齊故臧孫許及晉景盟于赤棘二年齊侯伐我值卻克有齊怨魯四卿同出會晉師大敗齊師于鞏盟于袤事晉由此復振諸侯叛者皆服而魯自是專事晉矣成公朝景者三年拜汶陽之田四年特朝晉侯見公不敬歸而欲結楚以叛晉季文子不可而止蓋以齊侯既朝晉晉厚齊則薄魯也八年晉侯果使韓穿來言汶陽之田歸之于齊十年弔喪晉厲新立疑公貳於楚止公送葬侯使楚者還驗實公請受盟而歸晉悼立公聞其

賢遠往朝之甫歸而士匄來拜朝襄公即位晉又先來聘故公朝悼者四三年始朝四年朝而聽政八年聽朝聘之數晉侯亦使士匄來拜公之辱蕭魚之後晉來拜師公復往朝悼公待諸侯有禮故公謹於事晉也晉車為魯故合諸侯同圍齊執牝子削其田以歸魯故二十一年公如晉拜師及取邾田末年晉楚合成趙武屈建會諸侯之大夫盟于宋請二國之從諸侯交相見魯遂朝楚而及陳鄭許之君送楚康之葬于西門之外晉伯日衰而華夷相亂矣故如楚特書月以異之

昭二年冬公如晉至河乃復 五年春公如晉 七年三月公如楚 十二年夏公如晉至河乃復 十三年冬公如晉至河乃復 十五年冬公如晉 二十一年冬公如晉至河乃復 二十二年冬公如晉至河有疾乃復

定三年春王正月公如晉至河乃復

以上昭公如晉者一昭公定公如晉至河乃復者六昭公如楚者一皆朝也昭公之世晉衰已甚蔡不取不朝者晉承世伯之餘威其疆猶足以軋諸侯也楚靈靈靈靈之君亦不敢不往者晉靈靈諸侯子楚魯不能拒也然公當晉車末年再如晉一不納者辭弗少妻也三朝晉昭再不見納再朝晉頃復不見納則以晉政多門而魯之土地人民皆三家有之晉人謂公不能為有無也據昭十二年穀梁傳曰季孫氏不使遂乎晉也在氏謂南蒯公季孫謀季氏怒告公而遂從公如晉晉人以取郟故辭公南蒯懼不克以魯叛如齊子仲還及郊奔齊使晉人但以甚故二子何懼之甚唯季孫覺二子之謀恐公愬己于晉故私屬晉人使不納公此二子者所以叛且奔也穀梁此說必有所傳可補左氏之闕後公孫于齊一再如晉次于晉地之乾侯而晉人終不肯助公反國則由晉大夫知有季孫而不知有公故也定公受國季孫其見卑於晉也宜自

是終春秋魯君無外朝矣

百九 公外如非朝則直言其事

桓十八年春公與夫人姜氏遂如齊

莊二十二年冬公如齊納幣 二十三年夏公如齊觀社

以上桓公與夫人如齊者一莊公託事如齊者二古者諸侯非朝觀會同不踰竟春秋之初齊魯會同等之國不相朝齊桓始伯亦不能得諸侯之朝桓公牽於淫妻莊公急取齊女故皆如齊傳曰君舉必書書而不法後嗣何觀策書實錄而善惡見矣此外唯莊公親迎以合禮入內逆女類昭公失國在外如齊者再如魯者再非朝別見

百十 夫人越竟始行則書皆言如以事往言其事

文九年春夫人姜氏如齊

以上夫人歸寧者一禮父母在歲一歸寧文公夫人出姜齊昭之

春秋左傳卷五

五

五月廿二夕

女當父母在而歸得禮之正然內女來寧得禮經皆不書夫不與君同故出入必書所謂存策書之大體也雜記言諸侯夫奔喪之禮其詳春秋夫人無以奔喪書者而每以他事書如內女亦多以他事書來其眉壽禮廢矣

莊五年夏夫人姜氏如齊師 十五年夏夫人姜氏如齊 十九年秋

夫人姜氏如莒 二十年春王二月夫人姜氏如莒

以上夫人如齊師一如齊一如莒二文姜桓公夫人莊公之母也

禮婦人無外事傳曰書莒也凡夫人行不月苟以王月行則書夏

莊二年冬夫人姜氏會齊侯于禚禚下 四年春王二月夫人姜氏享

齊侯于祝丘 七年春夫人姜氏會齊侯于防 冬夫人姜氏會齊

侯于穀

以上夫人以事行者四時莊公幼不知有不共戴天之讎夫人因得託國事會齊侯內以愚其子外以愚其莒魯之臣子軋於疆齊

之勢而不敢議此敝筭載驅之詩所由作也金氏曰慶父叔牙季友皆桓公子而季友之祥慶父之材皆不在人下也故齊襄殺桓而公立莊為德之妻又挾舅氏援立以固莊莊公而讎齊制母焉則三公子皆君也是以莊公使首帖耳唯徇其母之欲蓋制於其母以立己為齊之德而不讎也

舊十七年秋夫人姜氏會齊侯于平

以上夫人以事行者一准之會會取項齊人止必魯姜會桓公字下雖以國事行非文姜比而會諸侯非婦人之事故皆不以入盟

會類

諸侯相如告則書

桓五年夏齊侯鄭伯如紀 冬州公如曹

以上諸侯相如者二外相如不告兩君之好非有禍福勝敗之事也苟皆告而書是則亦不勝書矣齊侯鄭伯如紀欲以魯之紀齊

春秋傳卷五

六

五十四

婚姻國欲來接於魯故具其事以告州公如曹國危不復為將來魯故亦先以告焉皆與相朝以為好者事畢而州公失國與紀侯去國則同史皆奉赴書之所以見二國危亡之故而不在于相朝也說文見末篇

內大夫出聘始行則書皆書如

僖三十年冬公子遂如京師遂如魯

宣九年夏叔孫得臣如京師

宣九年夏叔孫得臣如京師

襄十四年冬叔孫豹如京師

以上內大夫如京師者四三聘一拜錫命也周制諸侯大夫有見有貢而無聘問見謂大宗伯朝覲以下六禮皆謂行入春入貢也聘問者上之所以交乎下也東遷小國於大國有無禮諸侯不朝貢天子而以聘禮上問如邦交諸侯之仇也相傳記

韓宣子聘于周辭曰晉士起將歸時事于案放王曰辭不失舊則諸侯於天子言聘非舊制可知由周室既衰雖聘問之禮亦不能常故左氏不復辯然不失為實錄也鄭氏因以釋周官時聘殺規誤矣隱桓之世王室來聘者五來賜者一來求者二錫桓公命一而魯君臣三世不享觀於王庭至僖公三十八年因晉又盟會兩朝王所又明年天王使宰周公來聘而魯始聘京師遂聘晉是魯之朝聘天子皆以晉故也文公元年王使來會葬僖公又來錫公命故得臣如京師拜而王使又來含贈成風來會葬襄公年公孫敖如京師弔喪不至以幣奔莒而毛伯來求金於是得臣如京師葬襄公宣公之世王使來徵聘故魯如京師明年王季子已為報聘來矣外傳載成公將朝王使叔孫僑如先聘且告而不書者大夫從公例不書此為公行告朝非實聘傳言其事觀之禮意是也觀春秋所書則王室禮諸侯有過於成周而魯之享周不能

春秋傳解卷五

七

六月九月

莊二十五年冬公子友如陳

以上內大夫如陳者一初交聘也周禮諸侯之邦交歲相問也殺相聘也東遷禮廢隱桓之世無交相聘者凡為諸國最夫人通嗣君而聘者左氏猶有所謂皆不報非交聘其禮不備也魯也齊桓始伯魯與陳皆同盟平幽而陳相原仲與季友有舊故二十五年春陳女叔來聘而冬季友如陳報聘傳曰始結陳好也春秋之初唯二國之聘得邦交遺意

文十一年秋公子友如陳

或五年春仲孫蔑如宋

襄二年秋叔孫豹如宋 二十年冬季孫宿如宋

以上內大夫如宋者四皆聘也一為言蕩意諸而往故宋不答成

五年報宋聘襄二年通嗣君二十年報宋聘九通嗣君不答聘故

宋元公立亦來聘以通嗣君也

襄七年秋季孫宿如衛

以上內大夫如衛者一報元年之聘也文成之世衛皆嘗一來聘

此年冬又來聘魯皆不報以其有故而非專聘也詳見衛使來聘

襄六年冬叔孫豹如邾

以上內大夫如邾者一傳曰聘而脩平也邾自宣成以來世朝于

魯襄四年魯屬鄆而邾人莒人伐鄆臧紇救鄆侵邾敗于狐駘六

年莒至滅鄆曾知外患未已故釋怨以脩好于邾時襄公幼孟獻

子叔孫穆叔為政庶能克己者矣

襄七年秋公子友如齊 十三年冬公子友如齊 二十八年秋公子

遂如齊

文元年冬公孫敖如齊 十七年冬公子遂如齊

成十一年秋叔孫僑如齊

襄二十一年秋叔老如齊

昭九年秋仲孫矍如齊

定十年冬叔孫州仇如齊

以上內大夫如齊者九僖公初年二如齊聘伯主也末年及文元

年二如齊雖事魯猶不忘齊好且求昏也文末年一如齊晉伯中

衰齊懿要公為穀之盟故遂往拜盟也宣公之臣如齊者別見成

公自鞏戰後齊頃屢同盟會故僑如請脩前好齊復叛皆見僖晉

亦會晉圍齊齊怨深矣而齊莊新立同盟澶淵故叔老聘齊結心

情好也襄公之末年齊景新立即使慶封來聘以通嗣君自是

氏

莊二十七年秋公子友如陳葬原仲 二十八年冬臧孫辰告糴于齊
文二年冬公子遂如齊納幣

成九年夏季孫行父如宋致女

以上內大夫以事外如者四大夫越竟葬外大夫納幣致女使卿
行皆非禮國無儲積而至於告糴其失政可知然事皆可書故直
書以見其失納幣史不書使卿則書之杜氏曰成公逆夫人最屬
得禮而無納幣者文闕絕也蓋不知此義說見後宋使來納幣下

禧五年夏公孫茲如牟

六年夏季孫行父如陳

成八年春公孫嬰齊如莒

昭二十五年春叔孫婁如宋

以上內大夫外如非聘而不言事者四傳曰公孫茲如牟專為

春秋屬辭卷五

十一

五十八

文仲以陳衛之睦也欲求好於陳夏季文子聘于陳且娶焉慶伯

如莒逆也季公若之姊為小邾夫人生宋元夫人生子以妻季平

子昭子如宋聘且逆之今考陳自季友女叔交聘之後未嘗繼好

使魯人果以脩好而聘陳無不報之理襄公之世聘宋者二一通

嗣君一報其聘昭十二年宋元公立來聘以通嗣君而已昭公之

世三家分魯聘晉聘楚之外無脩好姻隣之禮何能專聘于宋如

季孫如陳叔孫如宋或因逆而私覲或因逆而聘則有之蓋季孫

所娶者宋公之女則假君命以聘而逆焉亦因逆而聘也左氏謂

二子皆因聘而逆非事實矣古無大夫冠禮而有其昏禮則大夫

昏禮與士不同其書已亡不知得親迎與否禮重大昏而國卿非

一人以君命行宜不為過禮大夫非君命不越竟請於公而行故

書于策見國卿出入之重也然不可直書逆女者嫌為君逆也季

孫人臣而使卿逆疆僭甚矣以其事不可直書故但言如也杜氏於

茲與嬰齊亦皆言因聘而逆乃非三氏之失魯於齊等之國非報聘結盟通嗣君未嘗專聘年莒小國何聘之有內臣書如不聘聘明矣

定五年夏歸粟于蔡

以上歸粟者一不稱名氏者諸大夫非卿名氏不登于策則書所為之事而已蔡侯與諸侯同盟于臯鼫而能以吳子敗楚師入郢時吳尚在楚魯以同盟故歸粟于蔡

十四 九諸侯來朝皆成禮而後書故言來朝

隱十一年春滕侯薛侯來朝

桓二年春滕子來朝

文十二年秋滕子來朝

襄六年秋滕子來朝

哀二年夏滕子來朝

春秋左傳卷五

十二

春秋左傳卷五

以上滕君朝魯者五自隱至襄滕之書卒者三君隱七年卒者元年卒即來朝隱桓者不見書卒以國小權薄故自隱而卒于宣九年卒同三駕之會且來奔喪者滕成公也於是魯亦使卿會葬滕悼公在位二十五年而不朝于魯昭公失政故也定公卒滕頃又來會葬朝哀公者滕隱也終三君魯皆會且葬周制諸侯朝親玉帛以命數為節滕侯爵國微不能備禮而又近於魯不可不朝其大國之當朝者尚多故自貶其爵以來朝則當時小國所以事大者可知矣是時若杞若薛皆自貶其爵既貶其爵以事大國又能量力以供伯主之政令每盟會則滕薛杞以次序莒邾下而滕最後亡唯薛自一朝隱之後終春秋不復朝魯

桓二年秋杞侯來朝為下會月

莊二十七年冬杞伯來朝

僖五年春杞伯姬來朝其子 二十七年春杞子來朝

文十二年春杞伯來朝

成四年春杞伯來朝 十八年秋杞伯來朝

以上杞君朝魯者六母來朝子者一杞侯來朝魯人以為不敬而入杞明年杞求成公會杞侯于郕又會杞侯莒子盟于曲池莊二十五年伯姬歸杞為德公夫人二十七年德公將來朝而先之以伯姬虞不敬也於是始降而稱伯僖公五年伯姬來朝其子蓋稱公欲朝嗣君而懼不見禮故姬與子來欲託其子於魯是年德公卒魯不弔伯姬所朝之子是為成公終身不敢朝魯卒又降而稱子矣二十七年其弟桓公來朝傳曰用夷禮故曰子公卑杞杞不共也秋公子遂帥師入杞責無禮也據晉文叔侯曰杞夏餘而國東夷杞人以爵尊國貧雜用夷俗事或有之然魯人所謂不共無禮者直以其玉帛之將不備爾明年伯姬又來釋怨求平也杞雖先

代之後蓋微於滕薛每從盟會皆序滕薛下入春秋即為魯人伐取其邑其後非齊桓城緣陵以遷之國幾亡於淮夷豈有財者以爲禮者其來朝魯將以社稷也而魯反以兵入其國魯豈能庇杞者乎伯姬羞相其夫託其子於魯庶幾魯能篤舅甥之好也當其身國且見破况後世乎僖公號賢君且不念姑姊妹况他君乎而僖之末年伯姬又來求婦當時小國之自結于大國者類如此亦可哀矣於是僖公女叔姬歸杞為桓公夫人而伯姬之卒亦不弔文十二年桓公為絕叔姬來朝再娶魯女亦稱叔姬後宣公以杞不朝伐之成四年為叔姬欲歸魯來朝叔姬來歸而卒又來逆叔姬之喪以歸成公末年自晉還杞桓復來朝問晉故公以晉君語之杞伯於是驟朝于晉而請為晉後晉以悼夫人故合諸侯城杞又使魯歸杞侵田於是杞文公來盟傳曰書曰子賤之也蓋始終稱伯者杞君自賤抑之意稱示他國皆然其間或稱子者

魯人之所卑也然紀自桓公而後稍能自強既會于晉世從盟主
征伐雖不朝魯而終春秋六君魯皆會且葬不敢侵暴之矣

桓六年冬紀侯來朝

以上紀君朝魯者一紀國近齊而紀侯娶於魯時齊鄭合謀襲紀
六年夏紀侯會公子成以謀齊難公不能救於是乎來朝請王命
以求成于齊公又告不能無何紀季姜歸為天王后而魯主其昏
蓋魯為紀謀意謂齊人必不敢滅王后之家爾齊信雖強權猶知
有天子終身不復圖紀其子免惡無極故紀卒亡於齊魯亦無如
之何也

桓九年冬曹伯使其世子射姑來朝

文十一年秋曹伯來朝 十五年夏曹伯來朝

成七年夏曹伯來朝為下

襄二十一年冬曹伯來朝

春秋左傳卷五

十四

五十三

以上曹君來朝者四使其世子來朝一射姑來朝之明年曹伯卒
魯會其葬自是終春秋書葬者十一君射姑即莊公也亦葬
魯莊三十二年卒不書凡三世不朝于魯以方從齊桓之盟會也
一葬文公曹文也朝成公者曹宣也又一世為負芻不來朝朝
襄公者曹武也自後至國三九六世皆不朝魯而昭定之世不卒
不葬者二君曹國於魯宋衛鄭之間自從齊桓盟會即班晉上鄭
下其朝事於魯如此則於諸大國可知矣而文十五年齊侯侵我
遂後魯入其郭討其來朝於我也其後卒滅於宋則當時小國之
不二者亦幸而已

桓七年夏穀伯綏來朝穀伯綏以吾離來朝

以上穀鄧之君朝魯者一穀鄧皆近楚小國二年蔡鄭懼楚會
于鄧以謀之遠慕上國同時來朝書見末篇鄧後為楚所滅
穀不知所終

僖十四年夏六月季姬及鄆子遇于防使鄆子來朝

以上鄆君見使來朝者一鄆子雖娶于魯而不敢來朝者微陋不能成禮也於是僖公因季姬來寧責以鄆子不朝止季姬而絕之故季姬遇鄆子使之來朝明年季姬再歸于鄆又明年卒鄆雖與魯為昏而卒葬不見於經鄆君再世戕于邾人蓋小國之最微者然魯後嘗屬鄆而鄆卒為莒滅魯亦不能存之也魯之力不足以存姻隣小國而唯責其不朝來朝者又責以不敬策書實錄而僖公不仁可見矣凡諸侯來朝恒不書月其有月者皆為下事書唯此特月以異之又說見第二篇

僖二十年夏鄆子來朝

以上鄆君朝魯者一傳言鄆文王之子聃季之弟後不知所終

襄七年春邾子來朝

昭十七年秋邾子來朝

春秋屬辭卷五

十五

五十五

以上邾君朝魯者二邾少皞氏之後也宣四年及齊侯平莒及邾莒人不肯則邾近莒小國十六年邾伯姬來歸則亦嘗歸魯魯故宣公為之伐莒取向也成七年吳伐邾邾成八年魯以邾事吳會諸侯伐之晉悼公既以諸侯會吳人于戚於是邾子始來朝也

宣元年秋邾子來朝

成六年夏邾子來朝為下日

十八年秋邾子來朝為下日

襄元年秋邾子來朝 二十八年夏邾子來朝

定十五年春邾子來朝為下

以上邾君朝魯者六邾本魯附庸而國日以彊隱公初立及魯父為蔑之盟既而為宋伐邾桓八年伐邾十五年邾與魯會同朝于魯十七年公及儀父盟于雒既而及宋伐邾故僖文之世邾不來朝僖伐邾者三文伐邾者一而後邾亦伐我南鄆宣公之世小國諸侯朝魯者皆不至而邾子獨釋死來朝者時諸侯皆事魯而宣

公為齊所立不事晉而事齊邾子纘且齊出也故獨來朝焉後又朝成以繼好邾宣既立即來朝明年又來朝嗣君蓋自宣以來於是再世無間於魯廿四子熾紇救鄆使邾敗于郟昭六年叔孫豹如邾聘且脩正邾人間我有齊甚之勳也我南鄭晉為後盟會為我故執邾子莒子邾子歸而卒邾悼之卒魯與齊更伐我魯就合諸侯圖齊乃再執邾子取邾田以歸魯而魯自是不敢窺魯矣二十二年邾男我來奔二十七年我來朝公五年使季康來聘明年邾子亦來朝昭元年悼公卒魯會其葬昭之末年邾快來奔墨以邾來奔邾莊公立三十四年不朝于魯定三年卒魯會其葬矣莒子比蒲也邾子來會公明年應來朝夏來奔我應桓之世其曲在魯以眾寡寡也襄之初年其曲在邾恃齊也邾既削而其臣多叛齊亦曰衰定哀之間邾雖自卑以事魯而三家伐邾不已入邾以邾子益來春秋之世苟疆足以兼弱則無所不至也非齊與

春秋左傳卷五

十六

五十七

吳伐魯以救邾則邾滅於此時矣

莊五年秋邾來來朝

僖七年夏小邾子來朝

襄七年夏小邾子來朝

昭三年秋小邾子來朝 十七年春小邾子來朝

以上小邾之君朝魯者五小邾者邾之別封未命已來朝既受命又來朝間兩世乃來朝襄公而伯主盟會征伐無役不同矣昭三年傳曰小邾穆公來朝季武子欲卑之穆叔不可曰滕曹二國不忘我好敬以逆之猶懼其貳又卑一睦焉逆群好也其如魯而加敬焉季孫從之觀此則當時大國之接小國一崇一辱在其好惡而已小邾微陋名謚無所考唯傳此年見之後又一來朝而止如知武子宋仲幾之言則小邾蓋服於齊宋

桓十五年夏邾人年人葛人來朝

以上邾牟葛世子同時來朝稱人者一杜氏曰三人皆附庸之世子也其君應稱名故其子降稱人牟國今泰山牟縣葛國在梁國寧陵縣東北今按邾黎來來朝稱名蕭叔朝公稱字知此稱人必非其君凡朝必以禮接於廟非諸侯不言朝曹伯使其世子來朝杞伯姬來朝其子皆是子代父來行禮知此稱人者亦是其世子凡來朝同時俱至必以先後行禮若滕侯薛侯是也陳氏項氏皆謂此與滕薛皆譏旅見自參以上貶人之非也傳言滕薛爭長明非旅見隱以攝君不以禮即位不爵命大夫衛侯來會葬不敢見而謂隱僭天子之禮非人情也桓雖非賢然次齊餼則用周班禮曹大子則以上卿當時號魯秉周禮謂桓僭天子之禮亦非人情也如楚雖僭王猶夏其會諸侯亦曰用齊桓而已楚猶不敢僭天子之禮以臨諸侯而况魯乎魯君朝而稽首於伯主晉人曰天子在而君辱稽首寡君懼矣齊侯稽首於魯君魯君拜齊人怒魯人矣

春秋傳卷五

十七

六月四日

二十三年夏公及齊侯遇于穀蕭叔朝公

以上蕭君朝公者一蕭宋附庸叔者其君之字未王命稱字者邾儀父是也蕭於魯本無朝事之禮時齊桓公與公在穀而蕭去穀近蕭君來就穀朝伯主因併朝公公在外故不言來國史主記君禮苟與吾君接雖在外必書或謂交譏之過矣

諸侯以事來言其事事不可書但言來夷狄言來

二十一年六月齊侯來獻捷

以上齊君來獻捷者一齊桓欲身下諸侯以成伯業故假獻捷至與國以成兩君之好說者謂齊侯實使人來非也若使人來當書齊人若其卿來當書名氏春秋以禮法脩辭苟非齊侯身來成禮

安敢直書齊侯來乎史亂名實應不至此經特書月亦所以異之也

襄三十二年冬滕子來會葬為下葬月

定十五年夏邾子來奔喪一秋滕子來會葬為下葬月

以上諸侯來奔喪者一來會葬者二喪禮諸侯相於遣人弔喪會葬而已奔喪臣子所施於君父助葬必執紼故非天子諸侯不親奔喪會葬東遷諸侯以事天子之禮事大國故魯宣公奔齊重之喪晉楚皆嘗止魯君送葬子大叔對士景伯曰晉之喪事故邑之間先君有所助執紼矣則鄭伯嘗送晉侯之葬魯鄭既以此事齊晉則小國如邾滕亦以此事魯無足怪者然滕子來會葬而魯亦遣卿會其葬邾子來奔喪而魯反侵暴之已甚魯長滕邾邾有自來矣

成九年春王正月杞伯來逆叔姬之喪以歸

春秋屬辭卷五

六

五之冊

以上杞君來逆妻喪者一叔姬無罪而自絕于杞失婦人從一之義杞伯以事魯故違禮逆出妻之喪以歸特書月者異其事也

隱元年冬十二月祭伯來

以上畿內諸侯來者一祭與魯同出周公故非王命而來其宗國魯以王臣之禮接之故不言朝王臣無外交來不言朝與來聘不言使同皆禮之所不得言也凡畿內諸侯來皆書月以別於列國之君及他言來者

桓五年冬州公如曹六年春正月寔來

以上畿內諸侯自外來者一以王臣接故不言朝復於曹故不言來奔承上文故不言州公古史簡奧若此傳言如曹遂不復則寔於曹也杜氏云留魯不去非

僖二十九年春介葛盧來冬介葛盧來

襄十八年春白狄來

以上東夷小國來者二白狄來者一夷狄不能以朝禮見魯不願受故不言朝書來與祭伯同而義異春秋不嫌同辭介葛盧不見公亦書說在辭從主人篇

○王使來聘皆稱使以事來者言其事在喪不稱使

隱七年冬天王使九伯來聘 九年春天王使南季來聘

桓四年夏天王使宰渠伯糾來聘 五年夏天王使仍叔之子來聘

八年春天王使冢父來聘

僖三十年冬天王使宰周公來聘

宣十年秋天王使王季子來聘

以上天王使聘魯者七聘隱桓者桓王也周禮天子時聘以結諸侯之好東遷諸侯不共王職而王室乃屢下聘雖下聘猶不主觀於是乎有求賄求車之使矣莊公再主王姬之昏莊王嘗錫命桓公而僖王無使至魯聘僖公者襄王也僖公兩朝王所而王使其

冢宰兼三公者來聘於是魯始上聘京師則以晉文之伯也文公之世襄王錫公命歸成風含且贈且來會葬故不復下聘於是王未葬來求金矣頃王匡王無使至魯定王來徵聘宣公乃使仲孫蔑如京師明年王季子來報仲孫蔑之聘也成公之世定王忘崩不志葬而簡王且來錫公命靈王景王無使於襄昭定公之末敬王使來歸服而已

定十四年秋天王使石尚來歸服

以上王使來歸服者一周禮大行人歸服以交諸侯之福入春秋無歸服者蓋屢聘而不來錫命而不朝贈妾母會之葬而王命愈褻固無以歸服為也自王季子來聘後王臣不至於魯則幣帛之將命者不給而褒恤之典亦不足懷諸侯矣於是敬王使來歸服王室之情可見也以歸服之書見春秋於王命無不書者矣來聘歸服皆王者所得以交於下故皆不月以別於錫命來求弔葬之

非禮

莊元年冬十月王使榮叔來錫桓公命蒙陳侯卒月

文元年夏四月天王使毛伯來錫公命蒙韓侯公月

成八年秋七月天子使召伯來錫公命

以上王使來錫命三錫桓公者追錫也禮諸侯嗣位喪畢以士服

朝天子天子賜之黻冕去聲謂之受命周官王命諸侯則大宗伯

備是也末世諸侯喪畢不朝有請命者而後有來錫命有生不請

命者而後有追錫之命追錫桓公者莊王也桓不朝聘天子而王

追錫之者桓身戕於齊而天子使魯主王姬之昏夏王姬至魯秋

築王姬館于外於是齊魯之仇始聞于天子故王追錫桓公命以

振恤之錫文公命者襄王也錫成公命者簡王也襄昭而後無復

錫命而傳載襄十二年靈王使劉定公賜齊侯命昭七年衛君襄

告喪于周且請命景王使成簡公如衛弔且追命襄公他國猶有

春秋卷五十五

二十

五十九十五

其事也其追命之辭曰叔父陟恪在我先王之左右以佐事上帝

余敢忘高國亞國則追錫桓公亦此類錫成公命書月者例也九

蒙上事月者以著例決之他皆倣此

隱元年秋七月天王使宰咺來歸惠公仲子之贈

又元年

五年春王正月王使榮叔歸

會且贈 三月辛亥葬我小君成風王使召伯來會葬

以上王使來弔喪者二會葬者二周禮宰夫九邦之弔事堂其戒

令與其幣器財用則諸侯告喪王室來弔有常制矣而春秋所書

唯此四事者魯不以時告喪也惠公之喪王室聞之而後來弔故

緩且併歸仲子之贈者黃先生曰惠公再娶時嘗請命于朝故王

室知有仲子惠公薨魯人不告喪于京師隱公攝立亦不請于天

子故王室併歸仲子之贈以警言告之明其子之貴當立也僖公嘗

朝聘故王使來會葬文公欲追崇其母而以成風之喪告于天子

故成風薨在前年十一月而正月王使即至又來會葬也魯於
王葬有不會而成風之喪王汲汲然弔而會其葬以此見魯君之
喪或不告或告不以時則王室亦不以禮來弔爾王不稱天說在
變文篇歸贈含書月著例

隱二年秋武氏子來求聘

桓十五年春二月天王使冢父來求車

文九年春毛伯來求金

以上王使來求者二穀梁傳曰歸死者曰贈歸生者曰聘求聘以
平王崩而魯人遠不復會葬求車以桓王將崩備喪具也而桓王
七年始葬求金之歲叔孫得臣始會葬襄王以後無來求者矣
車書月求聘求金不月者非王命也

外臣來聘皆稱使私相為好不稱使

莊二十五年春陳侯使女叔來聘

春秋傳卷之三

十一

四八十三

以上陳使聘魯者一說見前公子友如陳

莊二十三年春祭叔來聘

以上祭叔聘魯者一祭與魯同出周公故來聘魯祭叔者祭公之
弟不言天王使則非王命矣不言祭公使者王臣無外交無異
則不得襲其文與卿為君近不稱使同或槩言王臣私相為好
也自非天子諸侯不得言聘祭畿內諸侯故得以聘書志其實也

隱七年夏齊侯使其弟年來聘

桓三年冬齊侯使其弟年來聘

僖三十二年春齊侯使國歸父來聘

宣十年冬齊侯使國佐來聘

襄二十七年春齊侯使慶封來聘

以上齊使聘魯者五齊僖聘魯者再隱七年結父之盟桓三年致
夫人故魯皆不答聘齊昭來聘一報公子遂之聘也齊惠公九年

宣公其結接以私而不交聘齊頃來聘一宣十年即位而魯往聘故來報也齊墜與魯有怨朝聘禮絕齊莊新立魯始脩好于齊而莊不報齊伐晉而魯為晉侵齊故也齊景襄二十七年立即來聘通嗣君也

成三年冬晉侯使荀庚來聘為下八年冬晉侯使士燮來聘十一

年春晉侯使卻犇來聘十八年夏晉侯使士匄來聘

襄元年冬晉侯使荀息來聘八年冬晉侯使士匄來聘十二年夏

晉侯使士魴來聘二十六年夏晉侯使荀息來聘二十九年夏

晉侯使士鞅來聘

昭二年春晉侯使韓起來聘二十一年夏晉侯使士鞅來聘

以上晉使聘魯者十一晉景來聘二成三年尋盟八年平丘伐邲晉

厲來聘一十一年冬盟盟晉悼來聘四十八年即位而拜朝襄元

年聘嗣君八年拜公之辱十二年拜師晉立來聘三二十六年召

公討衛二十九年拜城祀昭二年韓宣子為政而聘與國也頃公

二十一年即位來聘通嗣君也晉自景而後始來聘魯之喪也伯

雖受魯朝聘而不報也

成四年春宋公使華元來聘八年春宋公使華元來聘

襄十五年春宋公使向戌來聘

昭十二年夏宋公使華定來聘

以上宋使聘魯者四共公來聘二四年通嗣君時成公立未久故

報其聘八年聘共姬為將納幣因聘而納也魯不報襄十五

年申公來聘尋盟元公昭十一年即位來聘通嗣君也

文四年秋衛侯使甯俞來聘

成三年冬衛侯使孫良來聘

襄元年冬衛侯使孫剽來聘七年冬衛侯使孫林父來聘為下

以上衛使聘魯者四成公來聘一成公見執於伯主幾不免焉傷

公爲請於王與晉侯而釋之數年之間衛權外患未已於是衛始服於晉國勢稍安而武子來聘以拜僖公之賜故魯不報衛定成三年立來聘且尋盟衛始來聘新君故七年報之而林父來聘且尋盟凡尋盟之聘不報也

襄五年夏鄭伯使公子發來聘

以上鄭使聘魯者一鄭僖以二年即位來聘通嗣君也終春秋魯未嘗聘鄭

文十二年秋秦伯使術來聘

以上秦使聘魯者一秦穆既使人來歸僖公成風之禮於是又來聘且言伐晉故張氏謂其用遠交近攻之術終春秋魯不聘秦

莊二十三年夏荆人來聘

文九年冬楚子使椒來聘

襄二十年春王正月楚子使遠罷來聘

以上楚使聘魯者二楚成即位欲窺上國故來聘使介辭命未能成禮魯不廟受故稱人齊桓方有事於楚故魯不報楚穆欲圖中國於是伐鄭而魯會魯救鄭故來聘始能成禮故書之同中國魯方事晉故不報襄公二十八年如楚楚康卒邾敖立又明年來聘以聘報朝也嫌於伯者故特書月以異之詳見謹筆夷篇

襄二十九年夏吳子使札來聘

以上吳使聘魯者一晉既通吳吳子餘祭欲窺上國故來聘未至魯而吳子弒於闞魯後雖服於吳然有職貢而無聘

外臣以事來者言其事事不可書但言來

隱八年三月鄭伯使宛來歸柩

以上鄭使來歸魯地一凡來歸田邑皆不月鄭莊以其先祖助祭之賜邑易田結魯爲亂故月以異之

成八年春晉侯使韓穿來言汶陽之田歸之平齊

以上晉使來言者一晉景綽得齊故使魯及所取田于齊歸田本合書史直文爲韓子來言也九來乞師有筆削別見

成八年夏宋公使公孫壽來納幣

以上宋使來納幣一昏禮有六一納采二問名三納吉四納徵五請期六親迎請期以上五者皆不應使卿亦不書于策當時以納幣方契成或有重其事而使卿者在春秋唯宋魯各一見蓋史以國卿納幣踰制書而非爲志昏禮也傳釋華元來聘曰聘共姬也釋公孫壽來納幣曰禮也杜氏因謂昏聘不應使卿納幣應使卿皆循傳爲說而非經意夫六禮之外豈復別有昏聘蓋華元因聘而納采旣以聘行則重在聘自合使卿魯桓宣成皆娶于齊不書卿納幣苟應使卿而不使寧不獲矣于大國乎觀傳記晉侯執陳無宇之事可見矣

僖二十一年冬楚人使宜申來獻捷

春秋屬辭卷五

廿四

五十四十九

以上楚使來獻捷一楚成執宋公伐宋使來獻捷以威魯楚于文稱人筆削之法也九變文皆別爲篇

閔元年冬齊仲孫來

以上齊臣來者一時吾君幼不以賓禮接故不言使季友以兩臣相見故不書名傳言其情曰省難史錄大體但言來比而觀之則齊桓不早平魯亂以致閔公再弒其失自見

宣五年冬齊高固及子叔姬來

以上外大夫及吾女來者一內女非夫人歸寧不書此以高固偕子叔姬反馬非禮書杜氏曰禮送女留其送馬謹不敢自安二月廟見遣使反馬孔氏曰士昏禮婦車出於夫家諸侯嫁女自乘其家之車故大夫以上有留車反馬之事留車妻之道也反馬婿之義也唯高固不宜親行爾必氏曰大夫非公事與妻出竟非禮也時叔姬初嫁未合歸寧

外微者以事來但書人

文九年冬秦人來歸僂魯風之僂

以上秦人來歸僂一策書之法凡大國之下大夫小國之卿皆稱人二傳謂之微者秦穆始假弔贈以通好于魯來者非卿故書人凡書人來皆不言使不以賓禮接也

莊六年冬齊歸衛俘

以上齊人來歸俘一文姜請于齊襄以執魯

文十五年十二月齊人來歸子叔姬

以上齊人來歸吾女為其夫人者一齊人終以王故許驪伯請而來歸子叔姬史錄其事與單伯如齊相為本末故與直出者異文定十年夏齊人來歸鄆謹龜陰田

以上齊人來歸田一齊景會夾谷之後歸魯田結叛晉也傳言夾谷之會魯車齊歸汶陽之田故齊人來歸二邑杜氏曰二邑即汶

春秋屬辭卷五

廿五

四十九十一夕

陽田也

事無專使不言來公在外受之言歸我

文十五年夏齊人歸公孫敖之喪

宣十年春齊人歸我濟西田

哀六年冬齊人歸謹及聞

以上齊歸內大夫喪一歸田二仲遂公孫嬰齊皆卒于外喪至不書者本以使出喪還無假君命公孫敖以奔出必有君命焉乃得還史以君命書之而世卿之疆可見矣齊人為子孟氏謀節檀實諸堂章惠叔請於朝取而殯之故言歸不言來孔氏曰非有專使其來是來齊惠以宣公事齊之專故還所賂之田公在齊受之故言歸我齊悼以魯入邾以邾子益歸故取二邑至是魯歸邾子益及齊平齊魯交還人泄盟而歸一邑於魯無專使故亦言歸而已或生他義者非

春秋屬辭卷之五

存策書之大體第一之六

內特相盟內為志書及外為志書會

隱元年三月公及邾儀父盟于蔑

桓元年夏四月丁未公及鄭伯盟于越

文十七年六月癸未公及齊侯盟于穀

以上公及諸侯盟者三周官大司寇凡邦之大盟約泄其盟書而登之于天府大史內史司會及六官皆受其貳而藏之司盟掌盟載之法凡邦國有疑會同則掌其盟約之載及其禮儀訪謂周監二代立法常關盛衰故盟約之禮掌於秋官而不廢春秋之有雖盟則大司寇之所泄其伯者之盟則假會同之禮而為之皆私相要結而不請於王朝亂世之事也隱攝位而欲求好於邾故盟桓弑隱而自結于鄭故盟文公以齊侯見伐使襄仲請受盟皆魯志

春秋屬辭卷之六

一

五十三

前

也穀梁傳曰及者內為志焉爾於內特相盟得之凡盟書曰者從其桓辭也魯與邾有疆場之交以大求小脩好息民乃事之宜故蔑盟不日以別於穀盟之誌志與他盟之非義者凡公及伯主盟于其國及外臣盟及戎盟文同義異皆別見

隱六年夏五月辛酉公會齊侯盟于艾

桓十二年冬十一月丙戌公會鄭伯盟于武父 十七年二月丙午公

會邾儀父盟于越

莊十三年冬公會齊侯盟于柯 二十三年十二月甲寅公會齊侯盟

于扈

定十二年冬十月癸亥公會齊侯盟于黃

以上公會諸侯盟者六齊僖方合諸侯以樹黨故隱公會之盟明年又使其弟年來聘以結之則艾盟齊志也宋辭平而公會鄭伯盟以伐宋則武父之盟亦鄭志也邾既來朝又尋蔑盟而公會之

盟則趙盟邾志也齊桓結諸侯以圖伯師次于郎而魯不服既
于北杏公始會之盟則柯之盟齊志也公既如齊納幣及齊侯過
穀而又會之盟于扈則扈之盟亦齊志也齊景公結魯以叛晉既會
于夾谷而公又會之盟則黃盟亦齊志也故皆稱會穀梁傳曰會
者外為志焉魯於內特相盟得之九盟以日不日見義唯魯桓之
盟日月皆從其恒辭說見公會下柯盟魯無信特不月以異之扈
盟從齊之志始定然離盟非伯主之事故書曰

內參盟以上皆稱會伯者之盟稱會蒙及會言諸侯盟者無
主盟稱及

桓十二年夏六月壬寅公會祀侯莒子盟于曲池 秋七月丁亥公會
宋公燕人盟于穀丘 十七年春正月丙辰公會齊侯紀侯盟于黃
二十五年冬十二月癸亥公會衛子莒慶盟于洮 二十六年春王
正月己未公會莒子衛甯速盟于向

昭二十六年秋公會齊侯莒子邾子杞伯盟于鄆陵

僖二十一年十二月癸丑公會諸侯盟于薄 二十七年十二月甲戌
公會諸侯盟于宋

以上公會二國盟者五四國盟者一會諸侯盟不序者二九盟自
參以上皆稱會彼為盟而我會之也故齊侯為鄆陵之盟雖為公
故亦稱會而已謀納公而不克故不月與及齊大夫盟既同異其
事也

莊二十七年夏六月公會齊侯宋公陳侯鄭伯同盟于幽

僖七年秋七月公會齊侯宋公陳世子欵鄭世子華盟于甯母 八年

春王正月公會王人齊侯宋公衛侯許男曹伯陳世子欵盟于洮

九年夏公會宰周公齊侯宋子衛侯鄭伯許男曹伯于葵丘九月戊

辰諸侯盟于葵丘 十五年三月公會齊侯宋公陳侯衛侯鄭伯許

男曹伯盟于牡丘 二十八年五月癸丑公會晉侯齊侯宋公蔡侯

鄭伯衛子莒子盟于踐土

文七年秋八月公會諸侯晉大夫盟于扈 十四年六月公會宋公陳侯衛侯鄭伯許男曹伯晉趙盾齊國佐邾人同盟于新城

宣十七年六月己未公會晉侯衛侯曹伯邾子同盟于斷道

成五年十二月己丑公會晉侯齊侯宋公衛侯鄭伯曹伯邾子杞伯同

盟于蟲牢 七年秋公會晉侯齊侯宋公衛侯曹伯莒子邾子杞伯

救鄭八月戊辰同盟于馬陵 九年春王正月公會晉侯齊侯宋公

衛侯鄭伯曹伯莒子杞伯同盟于蒲 十五年三月癸丑公會晉侯

衛侯鄭伯曹伯宋世子成齊國佐邾人同盟于戚 十七年夏公會

尹子單子晉侯齊侯宋公衛侯曹伯邾人伐鄭六月乙酉同盟于柯

陵

襄三年六月公會單子晉侯宋公衛侯鄭伯莒子邾子齊世子光己未

同盟于雞澤 九年冬公會晉侯宋公衛侯曹伯莒子邾子滕子薛

春秋傳句解卷六

三

六十二

伯杞伯小邾子齊世子光伐鄭十二月己亥同盟于戲 十年夏

公會晉侯宋公衛侯曹伯齊世子光莒子邾子滕子薛伯杞伯小邾

子伐鄭秋七月己未同盟于亳城北 十八年冬十月公會晉侯宋

公衛侯鄭伯曹伯莒子邾子滕子薛伯杞伯小邾子同盟于齊十九年

春王正月諸侯盟于祝柯 二十年夏六月庚申公會晉侯齊侯宋

公衛侯鄭伯曹伯莒子邾子滕子薛伯杞伯小邾子盟于澶淵 二

十五年夏公會晉侯宋公衛侯鄭伯曹伯莒子邾子滕子薛伯杞伯

小邾子于夷儀秋八月己巳諸侯同盟于重丘

昭十三年秋公會劉子晉侯齊侯宋公衛侯鄭伯曹伯莒子邾子滕子

薛伯杞伯小邾子于平丘八月甲戌同盟于平丘公不與盟

以上公會伯者各諸侯之盟二十一會而不與盟者一杞伯者之

盟亦稱會伯者為盟而公會之也故采從外為志例其事略序見

後篇九桓文之盟不自葵丘踐土皆功業最盛之時故曰盟

盟恒曰其不日者皆有故也

僖五年秋八月諸侯盟于首止

以上諸侯盟不言公及者一承上文及會從可知也王世子不與盟故言諸侯齊桓不主會而主盟故不言公及諸侯會王世子序見後

定四年三月公會劉子晉侯宋公蔡侯衛侯陳子鄭伯許男曹伯莒子邾子頓子胡子滕子薛伯杞伯小邾子齊國夏于召陵侵楚五月公及諸侯盟于臯馳

以上公會王臣合諸侯侵楚及諸侯盟者一是會劉子之志晉不復主盟而劉子復不與盟故稱公及諸侯盟與蔡丘但言諸侯盟乎丘但言同盟者異文其不日亦以別於有伯之盟也

七公如伯國受盟稱及

閔元年秋八月公及齊侯盟于落姑

春秋屬辭卷六

四

五十六

文三年冬公如晉十二月己巳公及晉侯盟 十三年冬公如晉十二月己丑公及晉侯盟

襄三年春公如晉夏四月壬戌公及晉侯盟于長檮

以上公及伯主盟者四莊公薨魯亂閔公幼季子在外齊桓以伯令召閔公至齊地盟以復季子其稱及者從受盟例也晉襄以魯不朝使陽處父盟公既而請改盟故公如晉及晉侯盟十三年公如晉朝靈公且尋盟皆盟於其國都故不書地襄公即位晉悼即使人來聘故明年公朝而請盟晉侯去其國都以禮於公皆受盟於伯主故稱及季子身繫魯國社稷安危盟以復之事之宜也故落姑之盟不日以別於他君之受盟者

十四公與王臣外臣會盟稱會特相盟稱及

僖二十九年夏六月會于人晉人宋人齊人陳人蔡人秦人盟于程泉 以上公會王臣外大夫盟一王子虎魯踐土之盟故稱會內沒公

而王臣與外大夫皆稱人諱公與王子盟也不曰別於踐土也凡
內諱公外稱人與後處父去族皆說見變文篇

文十年秋七月及蘇子盟于女栗

以上公及王臣盟一晉伯中衰頃王新立使大夫下盟列國九公
與大夫盟雖沒公猶書曰譏其抗也王臣非抗故不曰

文二年三月乙巳及晉處父盟

以上公如伯國及其臣盟者一傳曰晉人以不朝來討公如晉晉
人使陽處父盟公以恥之處父去族說在變文篇凡大夫仇盟書
日者譏若兩君然為諱不書公見實也

成三年冬十一月晉侯使荀庚來聘衛侯使孫良夫來聘丙午及荀庚
盟丁未及孫良夫盟 十一年春王三月晉侯使卻擘來聘己丑及

卻擘盟

襄七年冬十月衛侯使孫林父來聘壬戌及孫林父盟 十五年春宋

春秋屬辭卷六

五

公使向戌來聘二月己亥及向戌盟于劉

以上外臣聘魯而尋盟者四晉景使荀庚來聘且尋盟衛定使孫
良夫來聘且尋盟晉厲疑之貳於楚故使卻擘來聘且盟衛獻
使孫林父來聘且尋盟公皆與之盟于國都故不言地若去其國
都而盟諸侯乃晉悼公所以謙接吾君者也宋共使向戌來聘且
尋盟公去其國都與向戌盟于劉三家專魯君弱成自以為君矣
此事考之則所尋之盟可見

莊二十二年秋七月丙申及齊高偃盟于防

以上公及外臣盟者一齊桓以魯莊請昏而先以高偃盟于防
譏在外故沒公杜氏不知筆削之旨謂稱及為內微者當齊桓伯
業已隆其貴卿何事與魯微者盟于魯地乎當後傳為是

隱八年九月辛卯公及莒人盟于浮來

莊九年春公及齊大夫盟于莒

以上公及外臣盟稱及者二隱公特盟小國之臣譏在內故書均為仇故書曰當齊無君大夫盟納子糾事非所諱故書公既而桓公入子糾殺故不月以異之

公會諸侯使大夫盟

襄十六年三月公會晉侯宋公衛侯鄭伯曹伯莒子邾子薛伯杞伯小邾子于溴梁戊寅大夫盟

以上公會諸侯而大夫盟者一穀梁傳曰諸侯會而大夫盟正在大夫也公羊傳曰信在大夫也大夫專盟會久矣而未有諸侯會而大夫盟者按左傳則大夫者晉荀偃宋向戌魯叔孫豹衛甯殖鄭公孫萬也是皆彊家專國者故雖君會而大夫自盟以其君不能為有無也二傳之言蓋得春秋言外之旨不言諸侯之大夫者間無異事

公與夷狄盟稱及特會而後與盟稱及

隱二年秋八月庚辰公及戎盟于唐

桓二年九月公及戎盟于唐

以上公及戎盟者二凡夷狄舉號君臣同辭雖戎請盟亦稱及者不屈中國從夷狄故以公及之隱盟則曰桓盟不日者桓初隱繼隱好故不日以別之

成二年十一月丙申公及楚人秦人宋人陳人衛人鄭人齊人曹人邾人薛人鄆人盟于蜀

以上公及楚人諸侯大夫盟者一蒙公會于蜀文言及傳曰初宣公使求好于楚莊王卒宣公薨不克作好公即位受盟于晉會晉伐齊衛人不行使于楚而亦受盟于晉從於伐齊故楚令尹子重為陽橋之役以救齊冬楚師侵衛遂侵我師于蜀孟孫請往賂之以請盟楚人許之十一月公及楚公子嬰齊蔡侯許男秦右大夫說宋華元陳公孫寧衛孫良夫鄭公子去疾及齊大夫盟于蜀說

見變文篇

十七內大夫特與諸侯盟稱及稱會與君同

文十六年六月戊辰公子遂及齊侯盟于鄆丘

成元年夏臧孫許及晉侯盟于赤棘

定三年冬仲孫何忌及邾子盟于拔

哀二年春王二月癸巳叔孫州仇仲孫何忌及邾子盟于句繹

以上內大夫特與諸侯盟稱及者四公子遂盟齊懿以緩伐魯之師臧孫許為齊難故盟晉景結好求援二盟皆魯欲之定公即位邾子益新立何忌盟以求好三家既同帥師伐邾取其田二子又盟邾子以要之故四盟皆稱及凡內大夫盟諸侯皆不月鄆丘戰於齊句繹三家繫邾已甚故皆日以異之

昭十一年夏仲孫纁會邾子盟于稷祥

以上內大夫特與諸侯盟稱會者一邾悼既釋怨來朝而魯會之

春秋屬辭卷六

七

葬於是纁會邾子盟則是盟邾志也故稱會

十八內大夫盟諸侯參以上稱會伯者之盟稱會與君同出疆邊

盟稱及非卿不稱名氏

桓十一年九月柔會宋公陳侯蔡叔盟于折上

以上內大夫與三國之君盟稱會者一魯始黨齊鄭既皆來戰于

郎鄭莊卒宋陳蔡盟于折而柔會之

文二年夏六月公孫敖會宋公陳侯鄭伯晉士穀盟于垂隴

成十八年十二月仲孫蔑會晉侯宋公衛侯邾子齊崔杼同盟于虛打

以上內大夫與伯者之盟稱會二晉人既以處交盟公魯人恥之故垂隴之盟宋陳鄭之君皆在而魯獨以大夫往晉悼公初立楚納宋魚石于彭城之侵宋悼公會諸侯于虛打以謀救宋時成公薨未葬故魯獨以大夫往

莊十九年秋公子結媵陳人之婦于鄆遂及齊侯宋公盟

以上內大夫出疆遂盟諸侯稱及者一公子結以送女至鄆遇齊宋將伐魯遂與二君盟以緩師故稱及大夫遂盟諸侯故不月

莊十六年冬十二月會齊侯宋公陳侯衛侯鄭伯許男滑伯滕子同盟于幽

以上內微者與伯主之盟稱會一公既盟齊侯于柯而二鄆之會不至此同盟于幽諸侯皆在而魯猶以微者行是以有公子結之盟三國西鄙之伐公羊作公會陳氏又謂諱不言公以經傳事理推之皆非是

四內大夫特與外臣盟稱及稱會非卿不稱名氏

成十六年十二月乙丑季孫行父及晉卻鞮盟于扈

以上內大夫特與外大夫盟稱及者一晉以僑如之請執季孫行父舍于茗丘於是赦之而季孫及卻鞮盟于扈故稱及

隱元年九月及宋人盟于宿

春秋屬辭卷下

八

五十四

以上內微者及外微者盟稱及者一魯求成於宋故稱及穀梁傳曰及內卑者也宋人外卑者也

文八年冬十月壬午公子遂會晉趙盾盟于衡雍

襄二十一年春王正月辛亥仲孫速會莒人盟于向

以上內大夫會外大夫盟稱會者二扈之盟公後至晉人來討襄仲會趙盾盟于衡雍報扈之盟則是晉志也莒與邾更伐魯漢梁之會晉以魯故執莒邾之君同圍齊之後又執邾子於是齊魯卒齊莊與晉成莒失其恃而為向之盟故皆稱會

十內大夫與外臣盟參以上稱會伯者之會別盟後至者稱及以及既會而盟稱及盟于師稱及

僖十九年冬會陳人蔡人楚人鄭人盟于齊

以上內大夫與四國之臣盟稱會者一陳穆公請脩好於諸侯以無忘齊桓之德故為是盟而魯會之

襄三年六月戊寅叔孫豹及諸侯之大夫及陳袁僑盟 二十七年秋七月辛巳豹及諸侯之大夫盟于宋

以上內大夫因諸侯會盟別盟大夫後至者稱及以及者一既會諸侯之大夫而後與盟稱及者一皆蒙上文其事別見

成二年秋七月齊侯使國佐如師己酉及國佐盟于袤婁

以上內大夫會戰盟于師稱及者一不言及以及間無異事案戰序見後

內大夫與我盟稱會

文八年冬十月乙酉公子遂會雒戎盟于暴

以上魯臣會戎盟者一臣降於君故雖盟戎稱會

自外來魯盟稱來盟自魯往他國盟言泣盟

襄二十九年夏杞子來盟

以上杞君來盟者一杞伯既因晉悼夫人治魯歸田懼魯之見惡

於是親來盟魯人賤之故降其爵

桓十四年夏五鄭伯使其弟語來盟

宣七年春衛侯使孫良夫來盟

以上來盟稱使者一鄭厲與公會于曹而未盟故使其弟來盟衛

成欲謀會晉故使良夫來盟夏五說見後闕文類來盟著例不月

閔二年冬齊高子來盟

文十五年三月宋司馬華孫來盟

以上來盟不稱使者一閔公弑齊桓使高子來盟立僖公時魯無君季友接之以二臣相見故不言齊侯使無所致命也公羊傳曰不稱使我無君也宋人將弑昭公而立公子鮑華孫為公子鮑來盟非其君使來故不言宋公使無所受命也凡來盟不月華孫結魯輔篡故特書月以異之

僖三年冬公子友如齊泣盟

文七年冬公孫敖如莒洫盟
昭七年春叔孫婁如齊洫盟
定十一年冬叔還如鄭洫盟

以上魯臣往他國洫盟者四九洫盟皆盟其君來盟亦然齊桓公為公不會陽穀來尋盟故公子友如齊盟莒人來請盟故公孫敖如莒盟昭公將如楚故使叔孫婁如齊盟魯及鄭平故叔還如鄭盟凡來盟五洫盟四皆無交洫者唯哀八年臧賔如齊洫盟齊閻丘明來洫盟二人皆非卿雖交洫史不書凡洫盟不月與來盟同

公特會諸侯自參以上必言故苟從可知不言故伯主之會不言故避不主會言及以會

隱九年冬公會齊侯于防 十一年夏公會鄭伯于時來

桓元年三月公會鄭伯于垂 三年春正月公會齊侯于贏 六月公會杞侯于郕 九月公會齊侯于謹 六年夏四月公會紀侯于成

春秋屬辭卷六

五十五

十一年九月公會宋公子夫鍾 冬十二月公會宋公子闕 十二年八月公會宋公子虛 冬十一月公會宋公子龜 十四年春正月公會鄭伯于曹 十五年五月公會齊侯于艾蒙上 十八年春王正月公會齊侯于濼

以上公特會諸侯者十四皆春秋之初伯者未與諸侯起亂之事防為伐宋時來為伐許垂假許田郕杞受兵而來成成紀來諮謀齊難夫鍾闕虛龜皆為平宋鄭曹與鄭突脩好艾謀定許皆非為國為民贏成昏于齊謹受姜氏濼與夫人如齊皆公妃匹失禮之事凡內離會不月唯魯桓之會皆月桓內弒其君兄而外構亂身戕隣國其盟會之失皆不足復議故從其恒法以別異之

宣元年夏公會齊侯于平州

定十年夏公會齊侯于夾谷

以上公特會諸侯者二實公奪嫡以賂請會于齊以定其位而不

事晉夾谷齊結魯叛晉

隱十年春王二月公會齊侯鄭伯于中丘

桓二年三月公會齊侯陳侯鄭伯于稷以成宋亂 十五年冬十一月

公會宋公衛侯陳侯于袤伐鄭 十六年春正月公會宋公蔡侯衛侯于曹

以上公會諸侯參以上四穆曰成宋亂袤曰伐鄭皆為會言故中丘曹下即有會伐之事從可知也凡內參會皆月有大夫則不月

定十四年五月公會齊侯衛侯于牽蒙上

哀十二年秋公會衛侯宋皇瑗于鄆

以上公參會諸侯者二時諸侯皆叛晉牽謀救范中行氏鄭辭兵而竊盟事可知也

莊二十七年冬公會齊侯于城濮

僖元年八月公會齊侯宋公鄭伯曹伯邾人于榿 十二年夏公會齊

春秋左傳卷六

十一

五十四十一

侯宋公陳侯衛侯鄭伯許男曹伯于鹹 十六年冬十二月公會齊

侯宋公陳侯衛侯鄭伯許男邢侯曹伯于淮 二十八年冬公會晉

侯齊侯宋公蔡侯鄭伯陳子莒子邾人秦人于温

宣七年冬公會晉侯宋公衛侯鄭伯曹伯于黑壤

成十二年夏公會晉侯衛侯于瑣澤

襄五年秋公會晉侯宋公陳侯衛侯鄭伯曹伯莒子邾子滕子薛伯齊

世子光吳人鄆人于戚 七年十二月公會晉侯宋公陳侯衛侯曹

伯莒子邾子于鄆 十一年秋公會晉侯宋公衛侯曹伯齊世子光

莒子邾子滕子薛伯杞伯小邾子伐鄭會于蕭魚 十六年春公

會晉侯宋公衛侯鄭伯曹伯莒子邾子薛伯杞伯小邾子于溴梁

二十一年冬公會晉侯齊侯宋公衛侯鄭伯曹伯莒子邾子于商任

二十二年冬公會晉侯齊侯宋公衛侯鄭伯曹伯莒子邾子薛伯

杞伯小邾子于沙隨 二十四年八月公會晉侯宋公衛侯鄭伯曹

伯莒子邾子滕子薛伯杞伯小邾子于夷儀事月二十五年齊

月公會晉侯宋公衛侯鄭伯曹伯莒子邾子滕子薛伯杞伯小邾子

于夷儀事月

以上公與伯者之會十有五九伯者之會不言故從可知也其事

皆別見九公與盟主之會不月必無成事而後月詳見下篇及日

月篇

僖五年夏公及齊侯宋公陳侯衛侯鄭伯許男曹伯會王世子于首止

以上公及諸侯會王世子者一王世子以儲君之尊出臨諸侯故

齊桓避不敢主會而率諸侯以會于世子故書及以會皆實錄也

公特會夷狄

哀七年夏公會吳于郟 十二年夏公會吳于橐皋

以上公特會吳者二是時會有職貢於吳而猶以號舉者不以諸

侯之禮相接也

春秋傳卷六

十二

隱二十八年

隱二年春公會戎于潛

以上公會戎者

成二年冬公會楚公子與齊于蜀駟

以上公會楚大夫者一事見變文篇

公會諸侯殊會夷狄言會不殊會言會以及

襄十年春公會晉侯宋公衛侯曹伯莒子邾子滕子薛伯杞伯小邾子

齊世子光會吳于相

以上公會諸侯殊會夷狄一凡言會吳者皆其君從夷狄舉號例

以其稱號不與未能以中國諸侯之禮相接故諸侯自相與為會

然後會之所謂會又會也自晉厲公以大夫會吳至悼公遂以諸

侯會之皆欲通吳以撓楚

哀十三年夏公會晉侯及吳于黃池

以上公會晉侯及吳于黃池者一以諸侯之禮相接故得稱于

兩主之故言及傳言吳晉爭先則不可言吳主會言魯職責於吳
有豐於晉將半邾以事吳而如邾以事晉則魯蓋兩事吳晉九會
吳詳見謹華夷篇

公會杞伯姬

莊二十七年春公會杞伯姬于洮

以上公會其女為杞夫人者一伯姬以前二年歸杞至此會公于
洮冬乃歸寧皆為杞伯來朝先為之地也說者但譏莊公不當出
會其女而不知大不空小之失以至於此

公及夫人會齊侯

僖十一年夏公及夫人姜氏會齊侯于陽穀

以上公及夫人會齊侯者一夫人雖齊女然兩君相見而婦人參
其間非禮也

諸侯迎會公

春秋傳解卷六

十三

四二六

文十三年冬公如晉衛侯會公于沓

公還自晉鄭伯會公于

非

以上諸侯迎會者二皆欲因公請成于晉

定十四年 大蒐于比蒲邾子來會公

以上諸侯來會公者一魯既結齊叛晉邾主齊故來會公以脩好
杜氏曰來而不用朝禮故曰會

公會外師

定八年夏公會晉師于瓦

以上公會外師者一齊師伐我晉士鞅趙鞅荀寅救我齊師已去
公遂會三卿于瓦卿非期會故以師為重成二年傳言公會晉師
于上鄆不書者四卿出師會晉衛以報齊怨幸而一戰勝齊遂使
禽鄭逆公勞師以臣召君不可為訓故削之以全國體在存策書
中為變例之五

九十公會外大夫

襄二十六年夏公會晉人鄭良霄宋人曹人于澶淵

以上公會外大夫者一九公與外大天盟則諱不言公此會則不諱者盟則君臣同軌故諱公以遠恥會則君臣各在其位故直書以見其失而已外大夫書人皆說見變之辭名實為

九十王臣會諸侯

莊十四年冬單伯會齊侯宋公衛侯鄭伯于郟

以上王卿士會諸侯一齊桓公始合諸侯假王命以示大順九王臣有諸侯之事皆以內辭書杜氏謂赴以單伯會諸侯為非也

九十內大夫會諸侯

文元年秋公孫敖會晉侯于戚

宣十四年冬公孫歸父會齊侯于穀 十五年春公孫歸父會楚子于

宋

昭九年春叔弓會楚子于陳

以上內大夫特會諸侯者四皆以事往晉侯驪廐田故公孫敖往會之楚子在宋歸父先會齊侯而後會楚子于宋者宣公方事齊故先謀於齊而後會楚也楚師滅陳故叔弓會楚子于陳

襄八年夏季孫宿會晉侯鄭伯齊人宋人衛人邾人于邢丘

以上內大夫會伯主者一悼公復伯使諸侯大夫聽朝聘之數

九十內大夫會外大夫苟非天下之事則言故

文十一年夏叔仲彭生會晉卻缺于承匡

宣十五年秋仲孫蔑會齊高固于無婁

成五年夏叔孫僑如會晉荀首于穀

昭三十一年春季孫意如會晉荀躒于適歷

以上內大夫特會外大夫者四彭生會卻缺謀諸侯之從楚者蔑會高固則齊魯既皆通楚而晉將徵會于諸侯也荀首如齊逆女

僑如輝諸毅意如出君晉人不能討使荀躒召意如至適歷欲其奉公以歸

襄二年秋仲孫蔑會晉荀荏宋華元衛孫林父曹人邾人滕人薛人之仲孫蔑會晉荀荏齊隄梧宋華元衛孫林父曹人邾人滕人薛人小邾人于戚 十四年冬季孫宿會晉士匄宋華閱衛孫林父鄭公孫萬甞人邾人于戚 十九年冬叔孫豹會晉士匄于柯 二十七年夏叔孫豹會晉趙武楚屈建蔡公孫歸生衛石惡陳孔與鄭良霄許人曹人于宋 三十年冬晉人齊人宋人衛人鄭人曹人莒人邾人滕人薛人杞人小邾人會于澶淵宋災故

昭元年春叔孫豹會晉趙武楚公子圍齊國弱宋向戌衛齊惡陳字招蔡公孫歸生鄭罕虎許人曹人于虢 十一年秋季孫意如會晉韓起齊國弱宋華亥衛北宮佗鄭罕虎曹人杞人于厥愁 二十五年夏叔詣會晉趙鞅宋樂大心衛北宮喜鄭游吉曹人邾人滕人薛

人小邾人于黃父

以上內大夫會外大夫者九一言故澶淵之會叔孫豹不書而外大夫稱人乃筆削之旨

九內大夫特會夷狄

哀六年夏叔還會吳于柤

以上內大夫特會夷狄者一

十內大夫會外大夫殊會夷狄言會以會同受命直言會之

成十五年冬十一月叔孫僑如會晉士燮齊高無咎宋華元衛孫林父鄭公子鮑邾人會吳于鍾離

襄十四年春王正月季孫宿叔老會晉士匄齊人宋人衛人鄭公孫董曹人莒人邾人滕人薛人杞人小邾人會吳于向

以上內大夫會外大夫殊會夷狄者二義與公會諸侯殊會夷狄同九內大夫會外大夫不月必會而又會夷狄然後月

襄五年夏仲孫蔑衛孫林父會吳于善道

以上內大夫外大夫會夷狄者一不曰會以會者二國之卿同受命于夷不自期會也

九六君大夫出會諸侯無成事亦書

桓十年秋公會衛侯于桃丘弗遇

成十六年秋公會晉侯齊侯衛侯宋華元邾人于沙陵不見公

昭十三年秋公會劉子晉侯齊侯宋公衛侯鄭伯曹伯莒子邾子滕子薛伯杞伯小邾子于平丘八月甲戌同盟于平丘公不與盟

文十六年春季孫行父會齊侯平陽穀齊侯弗及盟

以上公會諸侯弗遇者一不見公者一不與盟者一大夫會諸侯不見與盟者一雖無成事史猶謹書之所以尊君重國也劉氏曰春秋於魯事有可恥者必為之諱君臣之禮也若我無失道而橫逆所加則不諱故直書以罪諸侯

宣四年春王正月公及齊侯平莒及邾莒人不肯

以上公及諸侯平國不成者一無成事而書義與上同且為公伐莒取向言故

九七公及諸侯相遇

隱四年夏公及宋公遇于清

莊二十三年夏公及齊侯遇于穀 三十年冬公及齊侯遇于魯濟

以上公及諸侯遇者三簡禮相見曰遇何氏曰古者有遇禮為朝天子若朝罷歸卒相遇于途近者為主遠者為賓稱先君以相接所以崇禮讓絕慢易也當春秋時出入無度卒然相要非常遇也今按隱與宋公聞衛亂而相遇齊桓圖伯亦兩與公遇者桓公欲身下諸侯以成伯業故以簡便濟其勤勞

九八公行無成事書次

莊三年冬公次于滑 八年春師次于郎以俟陳人蔡人為下

以上公次者一諱公稱師者一次者師止舍之名君行師從故君所止舍亦言次其事至淺必無成事而後書傳言閔公次于郎待季友不書者既書公及齊侯盟于落姑為有成事則信宿之次史不復錄十二公行反往往曠月踰時使所次惡書亦不勝書矣杜陳例皆不取

公失國書次書如書至書居書唁書圍邑取邑

昭二十五年九月己亥公孫于齊次于陽州 齊侯唁公于野井 二十六年三月公至自齊居于鄆 夏公圍成 秋公會齊侯于邾 子祀伯盟于鄆陵 公至自會居于鄆 二十七年春公如齊 公至自齊居于鄆 冬公如齊 公至自齊居于鄆 二十八年春公如齊次于乾侯 二十九年春公至自乾侯居于鄆 齊侯使高張來唁公 公如晉次于乾侯 冬十月鄆潰 三十年春王正月公在乾侯 三十一春王正月公在乾侯 夏晉侯使荀躒唁公于乾侯 三十二年春王正月公在乾侯取闕

春秋左傳卷六

十七

六之十五 前

以上昭公孫于齊後書次者三書如者四書至書居者五書在者三書公會者一書唁公者二書圍邑者一取邑者一公已失國而詳錄其出處如此者臣無絕君之道公身繫國安危季孫雖叛公社稷宗廟臣民非公無所繫也當是時公令不及於魯魯史安能以時得公出處歲月如是之詳君臣父戰季孫豈以得於謀報者而詳命史氏於阻兵之日哉季孫背昭子之言不納公又魯鄆使潰而每歲賈馬歸從者之衣履于乾侯蓋欲信士鞅黨逆之言以欺晉君爾扈之會鞅曰季氏事君如在國杜氏註曰書公行告公至是也三十年公在乾侯服虔曰季氏閔而釋之所謂事君如在國是也若是則季孫士鞅之姦謀非唯足以欺時君而尚足以欺後世也春秋之作亂臣賊子猶能知而懼之而學者反以空言汨之也傳言季孫欲溝壘為惡蓋皆以榮成伯之言而止魯之臣

子猶有人焉當定哀之間意如卒後史臣豈無職思其憂者若
昭公出處以補策書之闕乎公室傳記孔子舉野井皆禮而曰其
禮與其辭足觀矣當時士大夫從公如子家子所謂貌而出者猶
衆有足徵也又按史記昭公奔齊魯亂孔子亦適齊當時之事見
聞所及使魯史不追捕之孔子脩春秋時亦特筆書之以誅季夫
不臣之罪矣服杜之失不足深辯也

春秋屬辭卷之六

春秋屬辭卷之六

六

五十四

尚

存策書之大體第一之七

一百內師公將稱公大夫稱名氏微者不言將

隱七年秋公伐邾

莊二十六年春公伐戎

僖二十一年冬公伐邾 二十二年春公伐邾 三十三年夏公伐邾

文七年春公伐邾

宣四年春公伐莒 十八年春公伐杞

哀七年秋公伐邾

莊二年夏公子慶父帥師伐於餘丘

僖二十三年秋公子遂帥師伐邾

文十四年春叔彭生帥師伐邾

宣十年秋公孫歸父帥師伐邾

春秋屬辭卷之七

襄二十一年秋仲孫速帥師伐邾

昭十年秋七月季孫意如叔弓仲孫矍帥師伐莒

哀元年冬仲孫何忌帥師伐邾 二年春王二月季孫斯叔孫明帥師

孫何忌帥師伐邾 六年冬仲孫何忌帥師伐邾

桓八年秋伐邾

以上公伐者九大夫伐者九微者伐一皆小國凡君將不言帥師古者君行師從言君將則師行可知大夫將言帥師師重大夫等也微者不言將者大夫非卿名氏不登于策公羊傳曰將重希少言將將尊師衆言其帥師君將不言帥師言其重者此策書之法通內外言之唯將卑師少稱人外與內異以本國之史不可復言某人故內微者不言將詳見辭從主人篇筆削之法外師雖君大夫將有變文稱人者唯內師悉從其恒稱蓋外變文以示義則內從其恒稱以見實乃外可變而內不可變者凡內師兼他義者

此不序三家既分公室其三卿亦將俱出則特書月以見異常
莊十年二月公侵宋

定六年二月公侵鄭 八年春王正月公侵齊 二月公侵齊

成六年秋仲孫蔑叔孫僑如帥師侵宋

襄二十四年春仲孫羯帥師侵齊

定八年秋季孫斯仲孫何忌帥師侵衛

以上公侵者四大夫侵者三齊大魯小宋衛皆敵國雖有怨仇及
盟主之命皆言侵與加兵小國異辭非史文矣趙伯循曰凡侵伐
不書勝敗殺掠而還也陸氏曰主人不出戰也今按公理齊魯
大國故書月以甚之

莊九年夏公伐齊納子糾

以上公伐齊者一凡潛師掠竟曰侵蓋罪致討曰伐此策書之法
通內外言之筆削之法外侵伐悉從其恒稱內師加小國皆言伐

春秋左傳卷七

二

四十五

加大國皆言侵蓋外從其恒稱以見實則內變文以示義乃內可
變而外不可變者也當齊無君莊公與師以納子糾故直言伐齊
見變文篇

自內勝外師言敗勝敗相當言戰大崩言敗績微者戰言是

隱十年六月壬戌公敗宋師于菅

莊十年春王正月公敗齊師于長勺 夏六月公敗宋師于乘丘

十一年夏五月己亥公敗宋師于鄆

僖元年九月公敗邾師于偃 冬十月壬午公子友帥師敗莒師于郟

獲莒挈

文十一年冬十月甲午叔孫得臣敗狄于鹹

昭五年秋七月戊辰叔弓帥師敗莒師于蚡泉

以上內敗外師者八九敗皆不書侵伐以地之內外見之也敗諸
外者我既侵伐彼國而又敗其師敗諸內者彼來侵伐我而為我

所敗不待書侵伐而可見矣外相敗及戰亦同凡大夫敗外師日而公不日者國君不以善將為功殊之於大夫也其日者皆甚之既以臣會伐而公又敗宋師以自為功既得志於兼立而又禦之於鄆以深其怨皆甚其事也

莊九年夏公伐齊納子糾八月庚申及齊師戰于乾時我師敗績

以上魯君伐齊納其公子及齊師戰敗績者一時齊桓已亦但言及齊師戰者魯納子糾不正桓之為君也

桓十七年夏五月丙午及齊師戰于奚

以上微者及戰一傳曰齊人侵魯疆疆吏來告公曰疆場之事姑盡所備事至而戰又何謂焉則及齊人戰者疆吏也此微者將不言其人之例

僖二十二年秋八月丁未及邾人戰于升陘

以上公及外微者戰一傳曰公及邾人戰于升陘我師敗績經不

春秋舊傳卷七

三

四十八十九

言公與敗績但書及戰同微者乃筆削之法此與乾時及戰魯蒙上文而此獨為筆削者彼是一事再見史有恒例此併兩事為一役非復史文矣說見變文篇

內圍國邑及外師圍國

成三年秋叔孫僑如帥師圍棘

昭十三年春叔弓帥師圍費

定六年冬季孫斯仲孫忌帥師圍郟杜氏曰何忌不言何闕也十年夏叔孫州仇

仲孫何忌帥師圍郟 秋叔孫州仇仲孫何忌帥師圍郟

以上內圍其邑者五凡內邑必叛而後圍之不書內邑叛說見後篇

昭二十六年夏公圍成

定十二年十二月公圍

以上公自圍其邑

二昭公失國季孫以成拒師內叛也定公令

不行於大夫孟氏之背隨成亦與叛無異時三家之會而有之會君擁虛器之日久矣昭圍成不月異在國也詳見第六篇

哀三年冬叔孫州仇仲孫何忌帥師圍邾

以上內大夫圍國者

莊八年夏師及齊師圍邾降于齊師

以上及外師圍國者一變公言師乃筆削之旨

○內入國邑公及諸侯入國

隱二年夏五月無駭帥師入極外入國月

桓二年九月入杞

僖二十七年秋八月乙巳公子遂帥師入杞

以上內大夫入國者二微者入國一皆恃眾凌寡以俘掠為暴也

凡內臣入國不日僖公不念姑姊妹而入其甥國故書日

襄十二年春王二月季孫宿帥師救台遂入鄆蒙伐我國台月

春秋屬辭卷二

四

四又五十九

以上內大夫救內邑遂入外邑者一

哀七年秋公伐邾八月己酉入邾以邾子益來

以上公因伐而入國者一伐邾乃季孫肥之意時公制於三家非

有君將之實也

隱十年秋七月壬午公及齊侯鄭伯入許

以上公及諸侯入國者一入國書公及蒙上文會時來與桓十二

年及伐蒙上文會盟武父同例凡入國者皆破其國都制其民久

遷其重器但不有其地故不言滅鄭既有許地而不言滅者以許

叔居許東偏奉許宗祀也

○公會伐會侵會圍會而及戰

桓十六年夏四月公會宋公衛侯陳侯蔡侯伐鄭

莊五年冬公會齊人宋人陳人蔡人伐衛

宣七年夏公會齊侯伐萊

以上公會諸侯伐者三桓公黨亂莊公為人所伐宣公事齊也桓之會伐書月後其法更與盟會同

莊二十六年秋公會宋人齊人伐徐

僖四年春王正月公會齊侯宋公陳侯衛侯鄭伯許男曹伯侵蔡蔡潰遂伐楚

成三年春公會晉侯宋公衛侯曹伯伐鄭 十年夏公會晉侯齊侯宋

公衛侯曹伯伐鄭二會伐皆為下事月 十三年夏五月公自京師遂會晉侯

齊侯宋公衛侯鄭伯曹伯邾人滕人伐秦 十六年秋公會尹子晉

侯齊國佐邾人伐鄭 十七年夏公會尹子單子晉侯齊侯宋公衛

侯曹伯邾人伐鄭 冬公會單子晉侯宋公衛侯曹伯齊人邾人伐

鄭

襄九年冬公會晉侯宋公衛侯曹伯莒子邾子滕子薛伯杞伯小邾子

齊世子光伐鄭 十年秋公會晉侯宋公衛侯曹伯莒子邾子齊世

子光滕子薛伯杞伯小邾子伐鄭 十一年夏公會晉侯宋公衛侯

春秋經傳集解卷七 五 五十八

曹伯齊世子光莒子邾子滕子薛伯杞伯小邾子伐鄭 秋公會晉

侯宋公衛侯曹伯齊世子光莒子邾子滕子薛伯杞伯小邾子伐鄭

以上公會伯國伐者十有二起齊桓伐徐終晉悼伐鄭九公會伐

不月會伯主攘夷狄則月自京師遂會伐則月

哀十年春公會吳伐齊 十一年夏公會吳伐齊為月

以上公會吳伐者二魯挾吳以敵齊春秋將終也

定四年三月公會劉子晉侯宋公蔡侯衛侯陳子鄭伯許男曹伯莒子

邾子頓子胡子滕子薛伯杞伯小邾子齊國夏子召陵侵楚

以上公會侵一會侵蔡已見上此為王臣合諸侯攘夷秋月

僖六年夏公會齊侯宋公陳侯衛侯曹伯伐鄭圍新城

以上公會伐國圍邑二桓公討鄭逃首止之盟

襄十八年冬十月公會晉侯宋公衛侯鄭伯曹伯莒子邾子滕子薛伯

杞伯小邾子同圍齊

以上公會圍一悼公末年齊已貳於晉伐我圍成悼公卒復伐魯
不已言高明諸侯所同疾非但盟主之意也從史文

十二年冬十一月丙戌公會鄭伯盟于武父十二月及鄭師伐宋丁
未戰于宋十三年春二月公會紀侯鄭伯己巳及齊侯宋公衛侯
燕人戰齊師宋師衛師燕師敗績

以上公會而及伐且戰者一會而及戰者一皆魯鄭同惡相濟之

事九公出會例月戰敗例日戰云公會紀鄭始行即書其戰之日則戰罷乃告廟是也會紀鄭戰不言地說見變文篇

大夫會伐會侵會圍會而及戰

隱四年秋翟帥師會宋公陳侯蔡人衛人伐鄭 十年夏翟帥師會
人鄭人伐宋

莊三年春王正月溺會齊師伐衛

文三年春王正月叔孫得臣會晉人宋人陳人衛人鄭人伐沈沈潰

宣十一年夏公孫歸父會齊人伐莒

春秋左傳卷七

六

五廿八

成八年冬叔孫僑如會晉士燮齊人邾人伐邾

襄十四年夏叔孫豹會晉荀偃齊人宋人衛北宮括鄭公孫萬曹人莒

人邾人滕人薛人杞人小邾人伐秦為下日 十六年夏叔老會鄭

伯晉荀偃衛甯殖宋人伐許

以上大夫會伐者八其事別見後篇內大夫不書族說在辭從主

人篇九內臣會伐不月溺以會仇讎抗王命月得臣以沈潰月

僖四年冬十二月公孫茲帥師會齊人宋人衛人鄭人許人曹人侵陳

以上大夫會侵一以伯主侵與國月

襄元年春 仲孫蔑會晉欒黶宋華元衛甯殖曹人莒人邾人滕

人薛人圍宋彭城

以上大夫會圍一會有宋人復言圍宋彭城說見特筆篇

成二年六月癸酉季孫行父臧孫許叔孫僑如公孫嬰齊帥師會晉郤

克衛孫良夫曹公子首及齊侯戰于鞌齊師敗績

以上大夫會而及戰一齊聞晉而伐魯戰敗衛師魯四卿各以師會以一戰勝齊為功救曹無事大夫將者於是持書爭首稱傳言公會曹師于上鄆賜暨三卿五大夫命服而季文子以魯之戰立武宮則當時之情可見矣

○微者會伐言及

桓十七年秋及宋人衛人伐邾

僖四年秋及江人黃人伐陳

以上內微者及外微者伐國二凡內師無不與謀而出會者故君大夫將皆言會必微者而後言及蓋會以合諸君與國卿之事也及則受成命於國微者之事也義與內盟稱及稱會者不同經書及伐唯此一事桓十二年及鄭師伐宋蒙上文公會盟莊八年師及齊師圍鄭諸公書師不入此例說在變文篇

○內救公會救公會臣及救臣會救

春秋左傳卷七

七

三十三

僖十八年夏師救齊

襄十二年春季孫宿帥師救台 二十二年秋叔孫約帥師救曹

以上內救二書師救者將帥帥也凡事實論其後皆有不盡從倣此

莊二十八年秋公會齊人宋人救鄭

成七年秋公會晉侯齊侯宋公衛侯曹伯莒子邾子杞伯救鄭

襄五年冬公會晉侯宋公衛侯鄭伯曹伯齊世子光救陳

以上公會救三

僖五年春公孫敖帥師及諸侯之大夫救徐

以上公會臣及救一齊桓公盟諸侯于牡丘遂次于匡使諸侯之大夫救徐故內大夫言及蒙上文諸侯之會言之

文九年春季孫會晉人宋人衛人許人救鄭

以上內大夫會救一

百八 公追

莊十八年夏公追戎于濟西

僖二十六年春公追齊師至鄒弗及

以上公追二啖氏曰追者寇已去而躡之也書法詳略故見後篇

百九 師次會次

莊三十年夏次于成

襄二十二年秋 叔孫豹帥師救晉次于雍榆為下日 卒月

以上師次一大夫帥師次一杜氏曰次在事前次以待事也次在

事後事成而次也今按九次皆以無成事書書救晉者為次雍榆

言故實不成救也成十六年傳我師次于督揚不書者公會尹子

晉侯伐鄭以成事書也師行近者歷月遠或踰三時如累書次將

不勝書矣

僖十五年三月公會齊侯宋公陳侯衛侯鄭伯許男曹伯盟于牡丘遂

春秋左傳卷之二十一

八

四十二

次于匡

以上公會而遂次者一諸侯不親救徐故書次

襄元年夏仲孫蔑會齊崔杼曹人邾人杞人次于郕

以上內大夫會次一傳曰次于郕以待晉師

百十 內大夫會城

襄二年冬仲孫蔑會晉荀偃齊崔杼宋華元衛孫林父曹人邾人滕人

薛人小邾人于戚遂城虎牢 二十九年夏仲孫羯會晉荀偃齊高

止宋華定衛世叔儀鄭公孫段曹人莒人滕人薛人小邾人城杞

昭三十二年冬仲孫何忌會晉韓不信齊高張宋仲幾衛世叔申鄭國

參曹人莒人薛人杞人小邾人城成周

以上內臣會而遂城者一會城者二曰遂城者會與城異地也城

虎牢本孟獻子之請晉悼能用謀也城杞晉平公為其母悼夫人

故城成周奉天子之命以紓諸侯之戍

百七王師令必及魚日而後書

五年秋蔡人衛人陳人從王伐鄭

六年春王正月壬子突救衛 十四年春齊人陳人曹人伐宋夏
單伯會伐宋

以上諸侯從王伐國者一王人救者一王臣會伐者一據傳隱五
年王使尹氏武氏伐翼王命虢公伐曲沃桓四年王師秦師圍魏
之類皆不見於經者事在西方今不至於魯也陳氏以為筆削之
旨誤矣隱九年鄭人以王命來告伐宋時鄭伯為王左卿士王臣
不出王師不行故但書公會齊侯鄭伯翬帥師會齊鄭伐宋而已
至三國從王伐鄭始見於經而不書天王以諸侯伐鄭者王命不
至於魯三國以從王伐鄭來告也齊人合諸侯抗王命以納朔魯
亦與焉於是救衛之令始及於魯齊桓伐宋圖伯請王命以示大
順史乃得而書之王人書字說見特筆篇

春秋屬辭卷七

九

五十四

外師加魯四境言其鄙直逼國都言伐我

十九年冬齊人宋人陳人伐我西鄙

二十六年夏齊人伐我北鄙

二十四年春邾人伐我南鄙 十七年夏齊侯伐我西鄙

二十一年春齊侯伐我北鄙

襄八年夏莒人伐我東鄙 十年秋莒人伐我東鄙 十二年春莒人

伐我東鄙圍治鵬下 十五年夏齊侯伐我北鄙圍成 秋邾人

伐我南鄙 十六年春齊侯伐我北鄙 秋齊侯伐我北鄙圍郕

十七年秋齊侯伐我北鄙圍桃 高厚帥師伐我北鄙圍防 冬邾

人伐我南鄙 十八年秋齊師伐我北鄙 二十五年春齊崔杼帥

師伐我北鄙

定七年秋齊國夏師師伐我西鄙 八年夏齊國夏師師伐我西鄙

以上外師伐魯境者十九齊宋陳一齊十二邾三莒三凡外師伐

魯史無不書者比其事而考之則此直自見無與於書法故不復詳唯襄十年秋七月楚子囊鄭子自伐我西鄙不書者蓋伐宋之師聲言伐魯志在還兵取蕭魯不受兵故不書于策杜云其義未聞陳云不悉書皆昧於存策書大體之義

僖二十六年春齊人侵我西鄙

文七年夏狄侵我西鄙 十五年秋齊人侵我西鄙 冬齊侯侵我西鄙

襄十四年夏莒人侵我東鄙

以上外師侵魯境者五僖二十六年書公追齊師至鄆弗及則凡言侵者皆潛師攻掠而去明矣

哀十一年春吳伐我 十一年春齊國書帥師伐我

以上外師伐我者二吳次于泗上行成景伯以城下之盟為駁齊師在清魯人欲背城而戰皆伐魯之國都故直言伐我

春秋左傳卷七

十

四九十三

百三 外師來戰

二十一年冬十二月丙午齊侯衛侯鄭伯來戰于郎

以上三國之君來戰于魯地者一凡諸侯相侵伐或攻掠或求成不必皆戰其戰則以主及客以中國及夷狄皆以應兵見之此不以魯及三國戰直言三國之君來戰乃筆削之旨說在變文篇

國內伐國取田邑言伐言取不用師但言取有來歸之者言入已滅之國言取不絕其祀不言滅

二十一年六月壬戌公敗宋師于菅辛未取郟辛巳取防

以上公敗外師取二邑者一暈既會鄭伐宋公又親敗宋師故鄭人得入二邑以歸于我經所以但書魯取而一敗二取皆書日以異之

僖二十六年冬公以楚師伐齊取穀 三十三年夏公伐邾取訾婁以上公伐國取邑者二

宣十年秋公孫歸父帥師伐邾取繹

哀三年春王二月季孫斯叔孫州仇仲孫何忌帥師伐邾取濼東田及

沂西田

以上魯臣伐國取邑者一取田者一昭十年三卿伐莒而取郟不書杜氏曰公見討平丘魯諱之定六年公侵鄭而取匡不書杜氏曰匡歸之晉以非隣國不能有之故也

昭元年三月取鄆

以上取外邑不言伐者一

時叔孫豹會晉楚大夫于

莒人告於會叔孫幾被戮

也義與成項不書師同

僖二十一年春取濟西田

成二年秋取汶陽田

春秋傳句詳卷七

十一

四六十二

襄十九年春取邾田自漵水

以上取田者三濟西田受之伯主故不繫曹汶陽田本我地故不繫齊杜氏曰晉使齊還魯故書取不以好得故不言歸邾田在漵水北傳曰晉人執邾悼公以其伐我故取邾田自漵水歸之我

隱八年三月鄭伯使宛來歸枋庚寅我入枋

以上外來歸邑書我入者一鄭來歸枋將以易許田也非師不言入此言入者公羊傳曰難也枋在泰山之下去鄭遠而近魯必鄭人不能有而後歸于魯魯恐其民不服故以兵入焉枋歸我而許田朱易豈非以其難與

僖二十二年春公伐邾取須句

文七年春公伐邾三月甲戌取須句

宣四年春公伐莒取向

以上公伐國而取其所滅之小國者三須句風姓國邾人滅之須

句子來奔因成風也僖我邾取須句而反其君其後邾之滅之故文公伐邾取須句實又公子焉尚姜姓國隱二年莒人入向其後為莒滅不見於經傳凡滅國有取而有之者則不書滅以存亡繼絕之義責歸於取之者也故須句不書邾滅向不書莒滅而皆以書取見義惡其為滅國者受惡而始滅之罪不待申言也在存策書大體中為變例之七須句始反其君為附庸則猶未絕其祀故從內取國例後實文公子則遂縣之故書日以異其事

昭四年九月取鄆

以上取已滅之國一傳曰莒亂著丘公立而不撫鄆鄆叛而來故曰取然猶書莒滅鄆者譏在晉也以魯觀鄆世子于晉悼公列鄆人于會而莒卒滅鄆與向須句異矣鄭滅許吳滅徐楚人皆能繼而存之使列于諸侯可以中國而不如夷狄乎或用二傳之說謂昭以前鄆未亡非也

春秋左傳卷七

十三

昭四年

宣九年秋取根牟

成六年春取鄆

襄十三年夏取邾

以上取小國三傳曰邾亂分為四師救邾遂取之此所以不言伐趙伯循曰凡得國而不言滅者不絕其祀也按根牟鄆傳不言其故皆曰易也蓋以鄆與邾推之

僖十七年夏滅項

以上滅小國者一夷而縣之故直曰滅先儒或謂內諱滅言取者誤矣滅不書月者間伯主有事與莒滅鄆同不言師說在變文篇

宣元年六月齊人取濟西田

昭二十五年十二月齊侯取鄆

哀八年夏齊人取謹及闡

以上外取我田邑者三禮國之大縣邑公卿大夫士皆厭冠哭於大廟三日君不舉此取田邑所以必書于策濟西鄆皆言取者一為魯諱賂一見季孫據國叛君下言公至自齊居于鄆則齊取鄆以居公可見矣故皆書月以別於謹聞其書伐書取自外伐取例見後篇

桓元年三月公會鄭伯于垂鄭伯以璧假許田

以上外以璧假田者一桓公篡位而脩好于鄭卒易枋田許田多於枋故進璧以請史言璧假諱易許田也公羊傳曰諱取周田也許田本魯朝宿之邑在王畿之內故曰周田

外滅國必書不絕其祀言取迫之使服曰降移其民入社稷曰遷

莊十年冬十月齊師滅譚譚子奔莒 十三年夏六月齊人滅遂

二十五年春王正月丙午衛侯燬滅邢

春秋左傳卷七

十三

五十七

襄六年秋莒人滅鄆 十年春公會晉侯宋公衛侯曹伯莒子邾子滕

子薛伯杞伯小邾子齊世子光會吳于柤夏五月甲午遂滅偃陽

定四年夏四月庚辰蔡公孫姓帥師滅沈以沈子嘉歸殺之 六年春

王正月癸亥鄭游速帥師滅許以許男斯歸

以上諸侯滅小國者七八春秋楚滅漢陽諸姬在齊桓未伯前晉滅耿霍魏在桓伯後告命皆不及於魯故史不書而齊桓滅譚滅遂在經為滅國之始陳氏因謂不書晉楚滅國蔽罪於伯主其失與二傳均矣凡侵伐圍入有筆削者事有輕重也用兵之罪莫大於滅國者事不相蒙當各正其罪非筆削所加也凡滅國不曰滅吾同宗之國則曰會而遂滅曰以其君歸日間伯主有事而滅小國曰凡滅國不言君奔者死於位也言以歸者服之也會而遂滅不言以歸略之也諸異義皆非

宣十五年六月癸卯晉師滅赤狄潞氏以潞子嬰兒歸 十六年春三

正月晉人滅赤狄甲氏及留吁

襄六年十二月齊侯滅萊

昭十七年八月晉荀吳帥師滅陸渾之戎

以上中國滅夷狄者四萊姜姓子爵定十年傳謂萊人為裔夷之
俘蓋東夷也凡滅夷狄雖君將不白以其君歸則曰按昭二十年
晉滅肥以肥子綿臯歸二十一年滅鼓以鼓子戴鞅歸皆不書者
解虞肥鼓皆白狄也嘗服屬於晉既而肥鼓皆叛晉屬解虞非赤
狄潞氏甲氏之比故告命策書皆主伐解虞而不及肥鼓之滅其
族微也

僖五年秋楚人滅弦弦子奔黃 十年春狄滅溫溫子奔衛 十二年
夏楚人滅黃

文四年秋楚人滅江 五年秋楚人滅六

宣十二年冬十二月戊寅楚子滅蕭

春秋左傳卷七

十四

五十二

昭四年秋七月楚子蔡侯陳侯許男頓子胡子沈子淮夷伐吳執齊慶
封殺之遂滅賴 八年冬十月壬午楚師滅陳 十一年冬十一月
丁酉楚師滅蔡執蔡世子有以歸用之 二十四年冬吳滅巢三
十年冬十二月吳滅徐徐子章羽奔楚

定十四年二月辛巳楚公子結陳公孫佗人帥師滅頓以頓子牂歸
十五年二月辛丑楚子滅胡以胡子豹歸

以上夷狄滅中國十三國畿內國一侯國二小國十吳楚本非夷
狄以其國於蠻夷僭王稱夏遠而絕之故其初皆以號舉吳雖嘗
稱夏然伐滅之事皆舉號徐本古之建國以其先嘗僭王故春秋
狄之然天子既討其罪不絕其封則亦不可既以夷狄論也故見
滅從中國例文十二年楚人圍巢杜註謂巢吳楚間小國成七年
傳言吳始伐楚伐巢伐徐則巢自見圍後從楚也杜氏於圍巢傳
註以為群舒之屬於滅巢註曰楚邑也皆誤劉氏曰巢伯爵國也

本書序樂伯來朝故從中國例按定五年楚滅唐不書者唐微國
父服於楚不得列於諸侯郊之役傳始見唐侯而錄不書柏舉之
役從蔡侯吳子伐楚以此見滅無為之告諸侯者故雖侯爵不得
比蕭賴也與滅國雖絕世聖人蓋常書之苟見子孫無不錄也凡
夷狄滅中國小國不月近偪大國則月必大國而後言雖大國之
附焉曰狄滅溫書而晉滅虞書不書為變例之八說也

二十六年秋楚人滅夔以夔季歸

二十六年秋楚人秦人巴人滅庸

二十八年夏楚人滅舒蓼

二十七年冬楚人滅舒庸

二十五年秋楚屈建帥師滅舒鳩

二十三年冬吳滅州來

以上蠻夷相滅者五成七年吳人州來傳曰蠻夷屬楚者吳盡

春秋左傳卷七

十五

四十八月

取之則州來夷國也凡夷狄相滅不月詳略之義著矣

二十三年夏徐人取舒

以上取國 義與內取國同

二十八年夏鄭降于齊師 三十年秋七月齊人降鄆

以上降國 以兵迫之使服故不言取不絕其祀故不言滅

二十九年三月宋人遷宿

二十二年春王正月齊人遷陽

以上遷國 疆移其民人社稷於他處而取其地曰遷 穀梁傳曰
遷者猶未失其國家以往者也

莊元年冬齊師遷紀邢鄆郟

以上以師遷人三邑 徙其民取其地也

隱七年夏城郟 九年夏城郎

隱七年夏城中丘 九年夏城郎

桓五年夏城丘 十六年冬城向

莊二十九年冬城諸及防 三十二年春城小穀

僖二年春王正月城楚丘

文七年三月甲戌取須句遷城鄆 十二年冬城行父帥師城諸及

鄆

宣八年冬城平陽

成四年冬城鄆 九年冬城郟

襄七年夏城費 十三年冬城防 十五年夏季孫宿叔孫勳帥師城

成郟 十九年冬城西郟 城武城

定六年冬城中城 十四年冬城莒父及霄 十五年冬城漆

哀二年夏季孫宿叔孫州仇帥師城啓陽 四年夏城西郟 五年春

城毗 六年春城邾瑕

莊二十八年冬築鄆

春秋左傳卷七

十六

五子卷二

以上魯城邑二十一城中城二城西郟二城衛邑一築邑一中城

杜氏以為魯邑宋儒本穀果非外民之說以為魯國都城春秋二

百四十餘年魯人無不脩築其國都城郭之理成城中城而後襄

城西郟定城中城而後哀城西郟宋儒說是也小穀左氏以為管

仲之邑宋儒以為魯邑本魯人孫明復之說以魯地有小穀而管

仲所食乃齊之穀也據傳昭十一年申鑄字曰齊桓公城而西

管仲則非魯人所城之小穀明矣城楚丘遷衛也凡伯主之今以

內辭書故特月以別之春城者五夏城者七冬城者十五築者一

城諸及防城諸入鄆在十二月繫事之一時也傳曰凡土功

龍見而畢務戒事也火見而致用水昏正而裁日至而畢謂建戌

之月角亢晨見東方畢農務而戒事心星晨見而致築作之物建

亥之月定星昏中而樹板幹日南至而畢功蓋周家使民以時之

制春秋之世魯人日不暇給不能及閒暇脩其保障適有外患

則春秋之世魯人日不暇給不能及閒暇脩其保障適有外患

後城要害以備難或為懼齊或為懼晉或備其利或帥師而城或
疆家專邑而城之或爭外邑而城之故雖非時而不得顧雖得時
亦不足稱也然冬月興功為多而獨無書秋城者則猶不以盛暑
農事方殷時勞民也左氏唯以書時書不時斷之可謂不揣其本
而齊其末矣凡城必有郭郭樓櫓之制鄙下邑非要害制不備故
曰築與築園同凡會城皆別見

莊三十一年春築臺于郎 夏築臺于薛 秋築臺于秦

成十八年秋築鹿囿

昭九年冬築郎囿

定十三年夏築蛇淵囿

以上築臺者三築園者三莊公一歲中三築臺成公盛暑築園其
縱欲勞民可知昭定擁虛器而築園三家分魯而以此娛其君也
策書實錄而慶戒明矣

莊九年秋築臺于姬之館于外

以上築館者一魯與齊為不共戴天之讎又喪未畢而主其昏王
姬至魯久矣而齊侯有疑不敢親迎故為築館于外比事考之則
當時之情可見

百六 浚川

莊九年冬浚洙

以上浚洙者一洙水在魯城北下合泗乾時戰敗故深之以備齊

百七 隋毀

定十二年夏叔孫州仇帥師隨郕 季孫斯仲孫何忌帥師隨費
文十六年秋毀泉臺

以上書隨邑者三毀臺者一觀上書圍郕圍費則隨三邑之故可
見觀上書夫人薨則毀臺之故可見於毀泉臺見春秋用民必
書啖氏曰毀全除之也隨但損之今未周

宣 新作門觀新廡

僖二十年春新作南門

定二年冬十月新作雉門及兩觀

莊二十九年春新延廡

以上門觀書新作者二廡書新者一言新見有舊言作見有加于前不言作者仍舊制也僖公改作南門不與諸門同雉門兩觀借天子而不能革故皆書新作延廡壞而更之故言新不言作觀其所書之時則時不時可見傳曰凡啓塞從時杜氏謂門戶道橋謂之啓城郭墻塹謂之塞皆官民之間閉不可一日而闕故特隨壞時而治之僖公新作南門非治壞故得以土功之制譏之蓋左氏但知土功之不時而不知改作之非制經於雉門兩觀特書月異之也凡脩舊不書築宮宜書作而不書者史諱之也

百 時田用夏時越禮則書

春秋左傳卷七

十八

四九十三

桓四年春正月公狩于郎

莊四年冬公及齊人狩于禚

以上書公狩者二傳曰春蒐夏苗秋獮冬狩此周制四時田獵之名也周書曰周公正三統之義作周月至於敬授民時巡狩丞享猶自夏焉此田祭皆從夏時之證也杜氏曰傳曰鄭之有原圃猶秦之有具囿是諸國各有常狩之處魯狩地大野是也此田獵有常地之說也其禮既有常時其地又有常處故雖公狩不書郎非常狩之地禚在齊境以越禮故書公羊傳曰春曰苗秋曰蒐冬曰狩常事不書此何以書遠也其時田之名雖言之不詳所謂常事不書實史法也自信文而後歷五公蒐狩違禮皆不書者大夫專

國公不復知軍

政時田得失無足議故雖違禮不書為變例之六

定十三年夏大蒐于比蒲

十四年 大蒐于比蒲

二十二年春大蒐于昌蒲

定十三年夏大蒐于比蒲

十四年

大蒐于比蒲

以上書蒐一書大蒐四蒐者春田之名周之春夏寅卯辰之月與之為得禮秋與之非禮也昭十一年五月齊歸燕而叔向聞而譏之曰魯公室其卑乎君有大喪國不廢蒐國不忌君君不顧親能無卑乎殆其失國是時三家分魯假春蒐之禮以耀武示疆又與非時非地之蒐不同故悉書之定十四年比蒲之蒐經書邾子來會公則九大蒐皆公在可見而不書公者師來非後公有史不虛飾也

火田

桓七年春二月己亥焚咸丘

以上火田一杜氏曰譏盡物故書

觀魚

隱五年春公矢魚于棠

以上觀魚一穀梁傳曰魚卑者之事也魚漁通杜訓矢為陳本傳

春秋屬辭卷七

十九

四二五十五

言陳魚而觀之言陳漁人之事而觀之也公穀經作觀魚文其事同葉氏朱子訓矢為射本淮南時則訓季冬命漁師始漁天子親往射魚傳曰君舉必書於此可見策書之體

大閱治兵異常

桓六年秋八月壬午大閱

莊八年春王正月甲午治兵

以上書大閱者一治兵者一周制天子因四時之田而教民以武事春曰振旅夏曰蒐舍秋曰治兵冬曰大閱天子諸侯四時之田名既不一則教民以武事其禮亦同史所不書桓公以畏齊鄭之故大閱於建未之月莊公以事仇之故治兵於子丑之春而習武之義不同故特書之備文以後凡閱治皆不書其禮與時

軍制作名

成元年三月作丘甲

以上書作丘甲者一周制四井爲邑四邑爲丘四丘爲甸軍政起於井而成於甸故周官謂甸爲乘其軍人卒伍之數皆以甸爲率也魯至成公以齊難故創制益兵遂毀甸賦而以丘賦與鄭子產作丘賦同故曰作丘甲不曰賦者其制以甲士爲主也然損益之數不可考矣

襄十一年春王正月作三軍

昭五年春王正月舍中軍

以上書作三軍者一舍中軍者一吳氏曰周制萬二千五百人爲一軍大國三軍次國二軍小國一軍用衆之法無過家人九一成之地六十四井出賦公田外有五百一十二夫是爲一旅之衆二十五成有二十五旅是爲一軍之衆大國之地百成除二十五成爲大夫采邑等用其七十五成之衆即三軍也魯地方百里其初封之時有三軍後舍其一軍止有二軍作三軍者復舊制也

春秋經傳集解卷七

二十

五十四十九

其時三家專國非有意於復舊也但借改作之名而分公室之民爲私家之民分民既定則復舍中軍矣

田加賦稅

宣十五年秋初稅畝

哀十二年春用田賦

以上書初稅畝者一用田賦者一通一井言之曰田去公田言之曰畝稅畝者以畝爲率也古者井田之法十取其一雖曰井九百畝八家同養公田爲九一而助然八家廬舍各二畝半於公田中取之已去二十畝故穀梁謂公田爲居井竈蔥韭盡取焉家各私百畝公田十畝而已則其實亦十一也至宣公又履其私田之畝復十取其一故哀公曰二吾猶不足則十取二自宣公始也田賦者以田爲賦也哀公時旣以二爲不足故用一井之田爲率以歛財物韋氏杜氏皆謂賦其馬牛蓋以古者賦與稅異也然韋氏本

賈侍中云周制十六井賦戎馬一疋牛三頭一井之田而欲出十
六井之賦陳氏亦謂使井出丘賦皆本左傳孔子云以丘亦足矣
以丘對田為說杜氏謂上賦之法因其田財通出馬一疋牛三頭
今欲別其田及家財各為一賦則是田對財為說未知孰是但
外傳又載孔子云先王制土籍田以力而砥其遠邇賦里以入而
量其有無任力以大而議其老幼其歲收田一井出稷禾秉穧
米不過是也此與左傳自不同則當時加賦之制不可考矣

分器失得

定八年冬盜竊寶玉大弓 九年夏得寶玉大弓

以上寶玉大弓書盜竊者一書得者一公羊傳曰國寶也喪之書
得之書蘇子由曰寶玉大弓魯之分器也

肆大書

莊二十二年春王正月肆大書

未考考序卷七

十一

二十六夕

以上肆大書一吳氏曰肆大書則罪之不當赦者亦赦之也故書

書亂云不由赴告

昭二十二年夏王室亂

僖十九年冬梁亡

以上王朝亂一國云一不由赴告據昭二十二年傳叔鞅歸言王

室亂記見辭從主人篇

闕文

隱二年冬紀子帛莒子盟于密程子曰闕文也春秋未有外大夫在諸

氏曰子帛裂繡字蓋杜氏意之季者遂以駁左氏誤矣

桓四年開秋

七年開秋冬以上併闕二時事

十四年夏五開月字併所繫事來盟著例不月知

非止闕月字

十七年葬蔡桓侯杜氏曰稱侯蓋謬誤吳氏曰雖子男之若未有以謚配爵者或謂能請謚非也

莊二十四年冬郭公

昭十年開冬

三十一年冬黑肱以濫來奔闕郭

定六年冬季孫斯仲孫忌帥師圍郟何忘十四年開冬

以上闕文九九處三傳同子曰吾猶及史之闕文也蓋夫子平日

之書史有闕文尚矣公羊傳曰在側者曰子苟知之何以不章曰

如爾所不知何以為脩春秋時語也春秋存策書大體闕文不

革示不唯無所損而亦不能益故雖筆削時史而無嫌及其一筆

一削萬變不齊而所謂策書大體者自若故曰非聖人莫能脩之

曰日月差繆

隱元年王正月長歷正月辛巳朔大衍歷正月辛亥朔大庚申冬至

視大衍歷前後差一日曰四傳五月辛丑十月庚申考之則正月庚申

辛亥故杜預遷歲以辛巳為朔若從辛巳則冬至不在正月蓋者

國只在今年而杜氏考之不詳亦孔氏曰古歷十九年為一章章者

七閏入章三年閏九月六年閏六月九年閏三月十一月閏十二月

十四年閏八月十七年閏四月十九年閏十二月此歲元首初章者

於後漸積餘分大率三十二年則置閏不必恒同初章元首初章者

正月辛亥朔日南至治歷者皆以彼為章首之歲杜為長歷置閏

五年正月朔旦冬至則四年當閏十二月也杜長歷置閏元首初章

月五年閏十二月與常歷不同者杜以歲二十七歲失閏云

春秋屬辭卷七 廿二 二十九

歷過昭二十年二月己丑日南至哀十二年十二月蓋云史闕

同歷過則春秋之世歷法錯失所置閏月或先或後不與常同

動經傳上下日月以為長歷若日月同者則數年不置閏月若日

不同類置閏乃同者則未滿三十二月類置閏所以異於常歷故

謂云春秋日有頻月而食者有頻年不食者理不得一知兼以

恒數故歷無有不失也故當備經傳日月以考焉則以推時未

得天蓋春秋當時之歷也今按長歷得失孔氏言之已詳據傳

十年二月日南至則冬至差一月在周歷不足為異長歷於當時之

歷未必盡合然杜氏考經 二年八月庚辰長歷八月壬寅朔 三月庚戌四月

十四年開冬

辛卯 八月庚辰 十二月癸未

大衍歷二月己亥大三月己巳

日食庚戌在四月辛卯在五月

月丙申大庚辰在九月十二月甲申大癸未

在明年正月長歷己巳

二月朔日食孔氏曰漢書律歷志載劉歆三統之術以為五月二十

三分月之二十乃為一交以為交在望前朔則日食望則月食交在

望後望則月食後月朔則日食交正在朔則日食既前後望不食交

正在望則月食既前後朔不食日食者月掩之也日月之道互相出

入或月在日表從外而入內或月在日裏從內而出外道有交錯故

日食也朔則交會故食必在朔自隱元年冬哀二十七年十一月

百三十四月唯三十七食杜氏曰日月動物雖行度有大量不能不

小有盈縮故有難交會而不食者或有頻交而食者今按二歷所考

春秋日食多不入食限者由歷法有疎密入食限而日月復不合者

置閏不 四年壬寅戊申長歷戊申三月十七日今按前年十二

同故也

者明是史 五年 長歷閏十二月 六年五月辛酉 大術歷五月庚辰 大辛酉在六月

文差謬 月 七年 長歷閏八月 六年六月己亥 辛亥 七月庚午 九月辛卯 大術歷閏四月五月己亥小己亥辛亥在此月六月

卯 大術歷閏四月五月己亥小己亥辛亥在此月六月 九年三月癸酉 大術歷三月甲午小癸酉庚辰在四月長歷是年閏十月 十一年七月壬午 十一

月壬辰 大術歷閏正月七月庚戌大壬午在十二月 二年壬正月戊申

桓元年四月丁未 大術歷四月丙子大丁未在此月 五年正月甲

四月戊申 長歷戊申五月十日大術歷四月庚午大戊申在此月 五年正月甲

三年七月壬辰朔日有食之既 大術歷七月癸亥小 五年正月甲

戊 長歷正月甲申 己丑 大術歷正月乙卯小己卯 六年八月壬午 長歷正月甲申 己丑 大術歷正月乙卯小己卯

午 九月丁卯 大術歷八月乙巳大壬午在九月 七年二月己亥 大術歷正月乙卯小己卯

歷二月壬寅大己亥在三月 八年閏三月 九年五月丁丑 大術歷正月乙卯小己卯

未 小丁丑 十年壬正月庚申 大術歷正月乙卯小己卯 十一月

年長歷閏 十二月六月壬寅 七月丁亥 大術歷六月辛未大壬寅 七月七月辛未小

丁亥在 八月壬辰 長歷八月無壬辰七月 十一月丙戌 十二月

丁未 大術歷十月乙巳大丙戌在此月 十三年二月己巳 長歷閏正月

己巳 大術歷七月 十四年八月壬申 乙亥 十二月丁巳 大術歷八月

乙亥在九月十月十二月丙戌大丁巳 十五年三月乙未 四月己巳

在十一月朔及明年正月二日 十六年閏四年 十七年正月丙

辰 大術歷三月乙卯大乙未在此月 十六年閏四年 十七年正月丙

辰 大術歷正月乙亥小壬 二月丙午 長歷丙午三月四月今日積五

有丙午 五月丙午 六月丁丑 八月癸巳 大術歷五月癸酉小

辛丑 大術歷七月八月 十月朔日有食之 長歷十月庚午朔日食

小朔日食 十八年四月丙子 丁酉 長歷四月丁卯朔丙子十日

酉 大術歷六月 十二月己丑 大術歷十一月癸巳大

莊元年 長歷閏正月 二年十二月乙酉 大術歷十二月乙酉

大術歷閏正月 四年六月乙丑 大術歷六月癸酉大乙丑 六年

閏九月 七年 長歷閏 八年壬正月甲午 十一月癸未 大術歷正月

月五 七年 長歷閏 八年壬正月甲午 十一月癸未 大術歷正月

月五 七年 長歷閏 八年壬正月甲午 十一月癸未 大術歷正月

春秋屬辭卷七

冬至甲午在二月十一月
九年長曆閏八月大
十一年長曆閏三月大

戊申小癸未在十二月
九年長曆閏八月大
十一年長曆閏三月大

街閏十月
十二年八月甲午
小甲午在九月
十四年長曆閏三月大

閏八月
十七年長曆閏六月大
十八年壬三月日有食之
長曆閏三月大

朔不入食限
大街歷三月癸丑
大四月癸未
小五月壬子
大日食宋
劉孝孫同沈氏
括曰春秋日食三十六
後世歷家推驗精者不過二

十六本朝衛林得三十五
獨茹
二十二年七月丙申
大街歷七月
戊午大丙申

在八月
二十四年八月丁丑
戊寅
大街歷八月丙午
大丁丑
戊申

二十五
五月癸丑
六月辛未
朔日有食之
大街歷五月壬寅
申大六月壬寅

小癸丑在六月
閏
二十八
年壬三月甲寅
大街歷二月丙辰
大閏

日長曆是年閏二
二十九
年長曆閏
八月癸亥
未大癸亥在九

月甲寅三月晦日
二十九
年長曆閏
八月癸亥
未大癸亥在九

月
九月庚午朔日有食之
大街歷九月辛丑
小
三十
年八月癸亥

亥
九月庚午朔日有食之
大街歷八月辛未
大九月辛丑
小癸亥
在九月十月庚午
大日食閏十一月

歷是年
閏二月
三十二年七月癸巳
八月癸亥
十月己未
大街歷六月

閏元
年六月辛酉
大街歷六月乙酉
大
二年八月辛丑
大街歷八月

在九月長曆
是年閏五月
信元
年七月戊辰
十月壬午
大街歷七月癸酉
小戊辰在八月十月

月一
二年
大街歷五月
五年
傳王正月辛亥
朔日南至
大街歷正月癸

歷是年閏
十二月
七年
長曆閏十一月
八年
長曆是年又
九年七月

乙酉
長曆七月
細乙酉八
十年
閏六月
十二年壬三月庚午日

有食之
大街歷三月辛未
小五月庚
十二月
丁丑
長曆十二月乙

申大丁丑
大街歷十一月丙
十三年
閏二月
十四年八月辛卯

大街歷八月丁巳
十五年五月日有食之
長曆五月壬子
朔不入
食限
大街歷四月癸五

小辛卯在九月
九月己卯
晦
大街歷九月辛巳
小己卯
十七年
閏十月

大日食五
十八年五月戊寅
大街歷五月乙未
八月丁亥
長曆八月癸

閏七月二十四日九月二十五日
大街歷
二十年五月乙巳
大街歷
長曆閏四月大

長曆是年閏二月
二十一年
閏四月
二十四年
長曆閏四月大

春秋屬辭卷七

苗

九十四十五

二十五年長曆閏十二月 二十六年壬正月己未大術曆正月辛巳小

九 二十七年八月乙巳長曆八月無乙巳乙巳九月六日大

十九年大術曆閏六月 三十年長曆閏九月 三十二年四月己丑 十二月

己卯大術曆閏二月乙巳小己丑在三月 三十年四月辛巳 癸巳

大術曆三月己巳小 辛巳癸巳皆在此月

文元年二月癸亥朔日有食之大術曆二月甲午小三月癸亥六日食

孔氏曰漢書律曆志云文公元年距僖五年辛亥二十九歲是歲閏餘十三閏當在十一月後今三月巳即置閏是嫌閏月大近前也

二年壬正月甲子 丁丑長曆閏正月大術曆正月戊子大 四年

六年閏月長曆閏十二月程公說曰按曆法是年

七年三月甲戌 四月戊子大術曆二月己未小甲戌在此

年八月戊申長曆閏七月 九月癸酉長曆閏九月甲辰小癸酉十月

十二年長曆閏十一月 十三年五月壬午 十二月己丑大術曆

春秋左傳卷七

廿五

九

午朔大十一月庚辰小己丑在此月 十四年五月乙亥大術曆四

乙亥在此月 十五年大術曆閏六月 十六年長曆閏五月 十八年五月戊戌

六月癸酉大術曆閏二月四月甲申小戊戌

宣二年壬二月壬子大術曆正月甲辰小癸亥冬至壬子在此 三年

十月丙戌大術曆九月甲子 四年六月乙酉大術曆五月庚申

五年大術曆閏八月 六年長曆閏五月 八年七月甲子日有食之既長曆七

朔甲子三十日皆不入食限大術曆閏五月丁酉小十日甲子朔日食程公說曰長曆自信二十年至文元年五年一閏者二四年一閏者三失二閏焉又自文十六年至宣九年九月辛酉長曆辛酉在

八年庚申小 十年四月丙辰日有食之長曆四月丙辰朔是年又

辛酉在此月 十一年大術曆閏正月 十二年六月乙卯長曆閏五月大術曆四月丙辰

食大 十二月戊寅長曆十二月己亥 十三年大術曆閏九月 十五年長曆閏七月

一 十六年大術曆閏六月 十七年壬正月丁未長曆丁未在此月

未二月 六月癸卯日有食之長曆六月癸卯朔大術曆五月

未二日 六月癸卯日有食之月乙亥朔日食六月甲辰大

成元年 長歷閏三月 二年四月丙戌 長歷丙戌 八月庚寅 長歷九月

朔庚寅七日大折歷八月丙 三年十一月 四年三月壬申 長

壬申在二月 六年閏七月 七年八月戊辰 大折歷八月丁亥小

是歲閏七月 八月閏四月 七月丙子 長歷七月乙巳 十一月庚申 大

歷十一月甲戌小庚申在 十年五月丙午 傳六月丙午晉侯卒長

十月長歷是年閏十一月 十二年閏正月 十四年十月庚

日杜氏曰經有日無月大折歷 十七年九月辛丑 大折歷閏

五月辛未小丙午六月七日 十一月壬申 十二月丁巳朔日有食之 傳十

小九月戊午大 十一月壬申 十二月丁巳朔十一月無壬申長歷壬申在十月

辛丑在八月 十一月壬申 十二月丁巳朔十一月無壬申長歷壬申在十月

齊伯卒范氏曰經十二月傳閏月乙卯 十八年正月甲申 二月乙酉

五日 是年閏十二月傳閏月乙卯 十八年正月甲申 二月乙酉

朔晉悼公即位大折歷閏六月 庚寅小十一月丁巳朔日食

襄二年六月庚辰 傳七月庚辰鄭伯卒長歷閏四月 經庚寅五月

歲小六月壬寅 三年六月戊寅 長歷六月丁酉朔七月丙寅

大庚辰在七月 三年六月戊寅 朔戊寅六月十三日大折歷閏

年壬三月己酉 傳三月庚戌公卒長歷三月無己酉大折歷

二月壬戌大己酉在二月是歲閏十二月 五年

長歷閏 七年十月壬戌 大折歷閏八月壬申大九月壬寅

十二月己亥 傳十一月己亥同盟于戲十二月癸亥門其三月

得有四月戊寅戊寅是十二月二十日 經閏月當為門五日

與門合為國則後學者自然轉日為月長歷十一月庚寅朔己亥十

年大折歷在十一月己 十年五月甲午 大折歷閏四月丁亥小甲午

十一年 傳九月諸侯悉師以復伐鄭甲戌晉趙武入盟鄭伯卒

之今發經傳時月互異者不一或史即赴時書之或傳所載文失

得不與經合若諸侯之會無國不記故傳於此年之事自四月己亥

以後所書日月甚詳經書七月己未盟于亳城北後有公至自會

春秋屬辭卷七

廿六

二十八年

丁巳日有之

十六年三月戊寅

五月甲子

十九年七月辛卯

八月丙辰

二十一年十

月十八年

閏六月

十九年七月

辛卯

八月丙辰

癸巳

大折歷

閏七月

丁巳

朔

長歷

閏七月

丁巳

朔

長歷

閏七月

丁巳

朔

長歷

閏七月

丁巳

朔

月庚辰朔日有食之大術歷閏二月甲申小九月庚戌朔日食十月

閏八月二十三年大術歷閏二十四年八月癸巳朔日有食之大術

歷七月甲子朔日食八月癸巳朔日在黃道星二度弱非食限長歷

是年閏三月孔氏曰二十一年九月十月頻月日食此年七月八月

頻月日食九交前十五度交後十五度並是食竟去交遠則日食漸

少去交近則日食漸多正當交則日食既若前月在交初一度日食

則至後月之朔猶在交之末度未出食竟月行天既而來及於日食

可更食若前月日在交初二度以後則後月復食無理今七月日食

既而八月又食於推步之術必無此理劉焯以為日月共盡一體日

食少則月食多日食多則月食少日食盡則前後望月不食月食盡

則前後朔日不食以其交道既不相復相推故也此與二十一年頻日

食理必不然疑古書歷世遙遠轉寫失真又曰戰國及秦歷紀全

變漢來測候天時始造其術劉焯以為五月二十三日月之二十五

日一食空得食日而不得加時漢末會稽都尉劉洪作乾象歷始

無行遲疾求日食加時後代備之漸益微密推步日食莫不符合

月食者漢書高祖即位三年十月十一日晦日類食則日有類食之

理今按日月交會有常而積久不能無小變動如歷家論日短景長

日長景短日或失其常度則雖巧歷有不能盡其變者漢文皇帝三

十月晦十一日晦並日食是漢初三十年中頻食者再推世乃未有

此固不可以常理推也孔氏於襄二十四年從劉焯之說以

類食為經文轉寫失真與隱二年正義自相違失杜注之旨

五年八月己巳傳秋七月己巳同盟于重丘長歷八月戊子朔己巳

二十六日傳秋七月己巳同盟于重丘長歷八月戊子朔己巳

日有食之傳曰十一月乙亥朔日有食之辰在申司歷過也

二十六日傳曰十一月乙亥朔日有食之辰在申司歷過也

未朔至壬申七月長歷十一月乙酉九月有庚辰辛巳則乙

亥為十一月朔長歷十一月乙酉九月有庚辰辛巳則乙

十二月乙未長歷十二月乙未朔日有食之辰在申司歷過也

昭元年六月丁巳大術歷閏正月庚戌大五十一月己酉長歷十一月

己酉十二月六月六日傳十二月三年大術歷閏九月四年長歷閏四月

年三月壬申長歷是年閏正月十三年四月傳五月癸亥王鑑于辛

春秋經傳集解卷七

廿七

二十五年五月

大日食黃道婁四度閏月丙子小
十八年長歷閏
二十年傳王

六月乙巳大非食限甲戌九月朔
日南至三統歷正月己丑朔旦冬至
時史失閏閏更在二月後故傳於二月
正史失閏閏更在二月後故傳於二月
正史失閏閏更在二月後故傳於二月

申小長歷是年閏八月與傳合
二十一年七月壬申朔日有食
之大街歷七月丙子小閏十月甲戌大十

乙酉王于柱卒杜氏
十二月癸酉朔日有食之
長歷十一月小甲

日己丑十六日十一月大癸卯朔傳庚戌八日閏月癸酉朔傳辛丑
二十九日杜氏曰此月有庚戌又以長歷推校前後當為癸卯朔

癸酉朔又傳十二月下有閏月辛丑辛丑是壬寅之前日二十三年
有庚戌又傳十二月下有閏月辛丑辛丑是壬寅之前日二十三年

傳曰正月壬寅朔二師圖郊則辛丑是閏月之晦也又計明年正月
之期與今年十二月中有有一閏相去當為五十九日此年十二月

也大街歷閏十月甲戌大
二十四年八月丁酉
子小丁酉在九

月今按五月朔乙未則八月不
二十五九年九月己亥
十月戊辰

十月己亥大街歷六月己丑小八月戊子小九月丁巳大十月
己亥在十月長歷

己亥在十月長歷
二十八九年四月丙戌
大術歷閏三月癸酉小

三十年六月庚辰
大術歷五月庚申大庚辰在此月
長歷是年閏五月

春秋經傳卷七

廿八

定元年大術歷
二年五月壬辰
大術歷四月丁卯大戊辰

閏七月大術
七年三統歷正月己巳
大術歷正月己巳
大術歷正月己巳

年二月
九年大術歷
十年長歷閏
十一年十月癸亥

一月丙寅朔日有食之
大術歷閏七月戊戌小九月丁酉小癸亥

十四年長歷閏
十五年二月辛丑
大術歷正月甲申小辛丑

大
五月辛亥
長歷五月辛亥
九月辛巳
長歷九月辛巳

則九月不傳有辛巳
五年九月癸酉
大術歷閏八月辛巳小癸酉

七年長歷閏
八年大術歷
十年長歷閏
十一年大術歷

十二年十二月癸酉
傳仲尼曰火猶西流司歷執也杜氏曰周十二月

之九
十三年大術歷
十二月癸酉
十四年長歷閏

以上長歷考春秋日月失二十六日朔三晦二其經傳上下所書
自有可證據者明是史文差繆日食不入限者四頻月食者二

自有可證據者明是史文差繆日食不入限者四頻月食者二

周禮未亡文武之政布在方策春秋之義行君臣父子中國夷狄
一反於正禮樂征伐自天子出脩廢舉墜而已



春秋屬辭卷七

三十一

五十一

附



此書未刊文獻人與此書以爲此書在春秋以前已見於世

